


元和郡縣圖志

附關卷逸
文攷證

二





元和郡縣圖志

附闕卷逸文攷證

(二)

李吉甫撰
孫星衍校
張駒賢攷證

元和郡縣圖志卷第三

關內道三

涇原節度使 涇州 原州

邠甯節度使 邠州 甯州 慶州

鄜坊觀察使 鄜州 坊州 丹州 延州

涇州 安定 開元戶一萬五千九百五十二 鄉五十五
上 元和戶一千九百九十 鄉三

今爲涇原節度使理所 墾田

管州二 涇州 原州

縣九 都管戶

禹貢雍州之域。春秋時屬秦。至始皇分三十六郡。屬北地郡。漢分北地郡置安定郡。卽此是也。漢以六郡良家子補羽林郎。案六郡安定卽其一焉。後漢安帝永初五年。徙其人於美陽。以避羌寇。郡寄理美陽。在今武功縣界美陽故城是也。至順帝。移於今理。後魏太武神廬三年。於此置涇州。因水爲名。大業三年。改爲安定郡。大業末。金城賊帥薛舉侵擾豳涇。武德元年。太宗西討。會舉死。因平舉子仁杲。遂改安定郡爲

涇州。

州境。東一百九十六里。南一百八十六里。

八到。東南至上都四百八十里。東南至東都一千三百四十里。

東北至寧州一百五十里。西北至原州平涼縣一百五十里。

北至慶州三百三十里。南至鳳翔二百五十八里。

東南至邠州一百八十里。西南至隴州私路一百八十里。

貢賦。開元貢龍鬚席。麻布。

管縣五。保定。靈臺。臨涇。良原。潘原。

保定縣。上。郭下。本漢安定縣地。今臨涇縣安定故城也。後漢省。後魏文帝大統元年。自高平城移於今理。屬

安定郡。隋開皇三年。罷郡。以縣屬涇州。至德二年。改保定縣。

涇水在縣東一里。

折墟故城在縣東十里。西魏涇州刺史乙弗貴所築。隋末。薛舉屯據於此城。舉死。仁杲復竊據。武德元年。討平之。

方俟醜奴餘趾在縣東五里。醜奴，高平人。後魏建義元年僭號於此。

靈臺縣。上州一百里。本漢鶉觚縣。屬北地郡。周屬趙平郡。隋開皇三年屬涇州。天寶元年改爲靈臺縣。理卽

古密國之地。今縣理西陰密故城。其東接縣城。是也。詩曰：密人不恭。

臨涇縣。中州九十里。東南至本漢舊縣。屬安定郡。隋大業元年於今縣理置湫谷縣。取縣內湫谷爲名。十二年復

爲臨涇縣。皇朝因而不改。按縣有彭陽川。去彭陽縣一百步。縣界兼有漢安武、安定、彭陽、撫夷四縣之地。

良原縣。上州六十里。東北至本漢三水縣地。屬安定郡。今安定縣界三水故城是也。大業元年分安定縣之地置

良原縣。縣西南三十里有良原。因以爲名。

汭水一名宜祿川。西自隴州華亭縣流入。

石原在縣西南。所謂良原也。

潘原縣。中州一百里。東至本漢陰盤縣。屬安定郡。在今邠州宜祿縣西二十三里陰盤故城是也。地有陰盤。

原州。平涼中。都督府。元和戶鄉。

墾田。

禹貢雍州之域。春秋時地屬秦。始皇時屬北地郡。漢爲安定郡。

州境。

八到。東南至上都八百里。東南至東都一千六百六十里。

東南至涇州三百二十里。四至會州三百九十里。

南至秦州四百六十里。正西微南至臨洮軍六百二十里。

北至靈州五百里。

貢賦。開元貢。覆鞍氈。布。麻。

管縣四。平高。平涼。百泉。蕭關。

平高縣。望郭下。本漢高平縣。屬安定郡。後魏太武帝太延二年。於今縣理置平高縣。屬平高郡。隋開皇三年。

罷郡。以縣屬原州。大業三年。以原州為平涼郡。武德元年。重為原州。縣仍屬焉。

笄頭山。一名崆峒山。在縣西一百里。即黃帝謁廣成子學道之處。史記曰。黃帝東至於海。西至崆峒。登笄

頭。是也。漢書曰。笄頭山在涇陽西。禹貢涇水所出。莊子云。廣成子學道崆峒之山。又後漢書。隗囂使將王

孟塞雞頭道。即此也。

木峽關在縣西南四十里。

蕭關故城在縣東南三十里。漢書。文帝十四年。匈奴入蕭關。殺北地都尉。是也。

瓦亭故關在縣南七十里。即隴山北垂。隗囂使牛邯守瓦亭。即此是也。

秦長城在縣北十里。

朝那湫。郊祀志云。湫泉祠朝那。蘇林云。在安定朝那縣。方四十里。冬夏不增減。不生草木。旱時卽祠之。以壺澗水置之。於所在則雨。雨不止。反水於泉。俗以爲恆。今周迴七里。蓋近代減耗。

監牧。貞觀中。自京師東。赤岸澤。移馬牧於秦。渭二州之北。會州之南。蘭州狄道縣之西。置監牧使以掌其事。仍以原州刺史爲都監牧使。以管四使。南使在原州西南一百八十里。西使在臨洮軍西二百二十里。北使寄理原州城內。東宮使寄理原州城內。天寶中。諸使共有五十監。

南使管十八監。西使管十六監。北使管七監。東宮使管九監。

監牧地。東西約六百里。南北約四百里。天寶十二年。諸監見在馬總三十一萬九千三百八十七匹。內一十三萬三千五百九十八匹。課馬。

平涼縣。上。西北至州一百六十里。本漢涇陽縣地。今縣西四十里。涇陽故城是也。後魏爲長城郡。長城縣之地。周武

帝建德元年。割涇州平涼郡於今理。置平涼縣。屬長城郡。隋開皇三年。屬原州。皇朝因之。開元五年。移於涇水南。貞元七年。又移於舊縣南坂上。今縣是也。仍屯軍其中。

馬屯山在縣西十六國春秋云。姚萇與苻登戰於高平。登敗。奔於馬屯山。卽此也。其山南北二十里。東西三十里。

百泉縣。上四至本漢朝那縣地。故城在今縣理西四十五里。後魏孝明帝於今縣西南陽晉川置黃石縣。隋煬帝改爲百泉縣。武德八年移於今所。

可藍山一名都盧山。在縣西南七十里。十六國春秋曰。赫連定據平涼。登可藍山。望統萬城。泣曰。先帝若以朕承大業。豈有今日。

涇水源出縣西南涇谷。地理志云。涇陽縣笄頭山。涇水所出。淮南子云。笄頭山一名薄落山。故涇水亦曰薄落水。又南流經都盧山。山路之中常如彈箏之聲。故行旅因謂之彈箏峽。

蕭關縣。中南至州一百八十里本隋他樓縣。大業元年置。神龍三年廢。別立蕭關縣。以去州闊遠。御史中丞侯全德奏於故白草軍城置。因取蕭關爲名。

蔚茹水在縣之西。一名葫蘆河。源出原州西南頽沙山下。

邠州。新平。開元戶一萬九千四百六十一。鄉四十九。元和中戶二千六百七十。鄉四十九。

今爲邠甯節度使理所。

管州三 邠州 甯州 慶州

縣二十

禹貢雍州之域。周之先公劉所居之地。詩大雅云。篤公劉。于豳斯館。是也。周本紀曰。后稷子不窋末年。夏

政衰。奔戎翟之間。至公劉。修后稷之業。乃國於豳。徐廣云。新平漆縣東北有豳亭。是也。按豳國城在今州。理東北三十九里。三水縣界。古豳城是也。自周東遷。其地屬秦。秦并天下。分三十六郡。屬內史。漢屬右扶風。今州理卽漢右扶風之漆縣也。漆水在今縣西九里。西北流注於涇。今鳳翔府麟遊縣東南亦有一漆水。與此異也。後漢於此置新平郡。及姚萇之亂。百姓夷滅。此地郡縣並無理所。至後魏。又置郡焉。文帝大統十四年。於今理置南豳州。廢帝除南字。大業二年。省入甯州。義甯二年。復爲新平郡。武德元年。復爲豳州。開元十三年。以豳字與幽字相涉。詔曰。魚魯變文。荆并誤聽。欲求辨惑。必也正名。改爲邠字。天寶元年。改爲新平郡。乾元元年。復爲邠州。

州境。東二百七十里。南二百七十里。

八到。東至上都三百里。南至東都一千一百六十里。

東至坊州三百十里。東至奉天縣三百十里。

西北至甯州百四十里。西北至涇州百八十里。

貢賦。開元賦。麻布。葛豆。白蠟。米粟。

管縣四。新平。三水。永壽。宜祿。

新平縣。望下。本漢漆縣地。屬右扶風。建武八年。隗囂悉衆攻略陽。上幸漆。進止未定。會馬援夜至。上喜。問

之。援聚米以爲山谷。於上前指軍所從入。上笑曰。虜在吾目中。遂進兵。考諸記注。漢之漆縣。卽今州理是也。姚萇之亂。郡縣不立。暨乎後魏。於今縣西南十里。陳陽原上。置白土縣。屬新平郡。隋開皇三年。罷郡。移白土縣於今州城中。置豳州。四年。改白土縣爲新平縣。大業二年。省豳州。人甯州。義甯二年。復爲新平郡。武德元年。以新平郡又爲豳州。縣屬焉。

五龍原在縣南三里。原側有五泉水。因名。

涇水西北自宜祿縣界流入。

橐邱堡在縣西十八里。東西南三面石坡峭峻。高十丈。北面築城。高二丈。武德二年置。貞觀七年廢。

苻堅墓在縣東南二里。先兵有謠云。河水清。復清。苻詔死新城。堅聞惡之。語軍候云。地名新城。避之。至是爲姚萇所殺於新平城。遂葬焉。

三水縣縣。西南至州六十里。本漢舊縣。有鐵官。屬安定郡。以縣界有羅川谷三泉並流。故以爲號。魏改三水縣爲

西川縣。亦屬安定。後魏於今縣理西二十八里。重置三水縣。取漢舊名。屬新平。隋開皇三年。罷郡。以縣屬

邠州。皇朝因之。

石門山在縣東五十里。峯巖相對。望之似門。

柁邑故城在縣東二十五里。卽漢柁邑縣。屬右扶風。古郇國也。左傳云。畢原。豐。郇。文之昭也。

古豳城在縣西三十里。公劉始都之處。

永壽縣。上西北至州九十里。武德二年分新平縣南界於今理北三十里。永壽原西分置永壽縣。因原而名。貞觀

二年移於州東南八十里。興元元年又移於順義店。即今理是也。本漢漆縣之南界也。

高泉山亦曰甘泉。在縣北二十五里。

涇水自新平縣界流入。

醴泉苑在縣東北十里。并宮並周所立。後廢。貞觀四年置醴泉監。兼置屯五所。隸司農寺。

宜祿縣。中東至州八十一里。本漢淺水縣地。屬上郡。後魏爲東陰盤縣地。廢帝以縣南臨宜祿川。因改名。隸涇州。

暨周。隋又爲白土縣。貞觀二年分新平縣又置宜祿縣。後魏舊名也。

淺水原即今縣理所。初金城人薛舉稱兵。攻破郡縣。武德元年舉寇涇州。屯兵於安定縣之折墟城。太宗

親征。相守六十餘日。會舉死。其子仁杲統其衆。并羌胡十餘萬。數來挑戰。上遣總管龐玉自此原南出。賊

之右。因高而陳。上率大兵自原北。出其不意。斬首萬餘級。賊大潰。仁杲懼而請降。俘其精兵萬餘人。男女

五萬口。故城猶在今縣北五里。

陰盤城在縣西北二十五里。

昭仁寺在縣西十步淺水原上。王師討平仁杲。詔於此置寺。碑諫議大夫朱子奢之詞也。

長武城在縣西五十里。隋開皇中築。在涇河南岸。武德元年廢。大歷初。郭子儀置兵以備西戎。

甯州彭原 開元戶三萬二千二十六。鄉七十二。
元和戶一千百七。

壘田

禹貢雍州之域。古西戎地也。當夏之衰。公劉邑焉。周時爲義渠戎國。其後戎翟攻太王。亶父避於岐山。而作周。按今州理城。卽公劉邑地也。後西伯伐犬戎。武王都鎬京。逐戎夷於涇洛之北。以時入貢。命曰荒狄。周道衰。荒狄不至。後幽王爲犬戎所殺。至秦穆公。得由余。西戎八國來。至秦昭王。殺義渠戎王。并其地。始皇分三十六郡。此爲北地郡。卽義渠舊地也。漢氏因之。後漢移北地郡。君富平故城。是也。後魏延興二年。爲三縣鎮。孝文太和十一年。改置班州。十四年。改爲邠州。二十年。改邠爲豳。卽地名也。廢帝三年。改豳州爲甯州。以撓甯戎狄爲名。後周改爲北地郡。隋又爲甯州。大業中。又爲郡。武德元年。復爲甯州。貞觀元年。改爲都督府。四年。又廢府爲州。

州境。東四百十六里。南五百四里。

八到。東南至上都四百五十六里。東南至東都一千三百里。

東至坊州三百二十里。西至涇州百五十里。

東北至延州三百九十里。北至慶州百三十里。

南至邠州百四十里。

貢賦。開元貢。龍鬚席。賦。麻。布。

管縣六。安定。真甯。襄樂。彭原。定平。豐義。

安定縣。望郭下。本漢泥陽縣。在今縣理東南方十五里泥陽故城是也。至後魏太武帝置安定縣。取定俗安人爲義。在今縣理西北三里定安故關。自開皇三年移縣入廢趙興郡理。仍屬甯州。皇朝因之。

扶蘇墓在縣西北十八里。始皇太子也。監蒙恬築長城。始皇崩。李斯矯詔賜死。葬於此。

真甯縣。紫州七十里西北至。本漢陽周縣地。屬上郡。漢書陳餘與章邯書曰。蒙恬爲秦將。北逐戎人。開榆中地數

千里。竟斬陽周。謂此縣也。魏置宜陽。惠涉二護軍。孝文太和十一年。復置陽周縣。開皇十八年。改爲羅川

縣。以南羅水爲名。屬甯州。皇朝因之。天寶元年。改爲真甯縣。

子午山亦曰橋山。在縣東八十里。黃帝陵在山上。卽羣臣葬衣冠之處。史記曰。漢武帝北巡朔方。還祭黃

帝冢於橋山。曰。吾聞黃帝不死。今有冢。何也。或對曰。黃帝已上仙。羣臣葬其衣冠。故有冢。

襄樂縣。紫州六十里西南至。本漢襄洛縣地。屬上郡。後魏孝文改洛爲樂。屬襄樂郡。後周屬北地郡。隋開皇三年。

改屬甯州。皇朝因之。

秦故道在縣東八十里。子午山。始皇三十年。向九原。抵雲陽。卽此道也。

彭原縣州一百里南至本漢彭陽縣地在今縣理西南六十里臨涇縣界彭陽故城是也暨於後漢又爲富平

縣之地後魏破赫連定後於此復置富平縣廢帝改爲彭陽縣屬西北地郡隋開皇三年罷郡以縣屬甯

州十八年改爲彭原縣因彭池爲名原南北八十一里東西六十里

定平縣州七十里北至自漢至晉並泥陽縣地後魏至周並爲安定縣地大業十年於此築城置棗社驛武德

二年於驛分安定縣置定平縣其驛移出城北

豐義縣州八十里東南至本漢彭陽縣地今縣理西四十里彭陽故城是也後魏於縣理置雲州周武帝保定

二年廢州爲防隋文帝廢防名爲豐義城武德二年分彭原縣置豐義縣因舊城爲名屬彭州貞觀元年

州廢縣屬甯州

慶州順化都督府開元戶一萬七千九百八十一鄉五十一

墾田

禹貢雍州之域古西戎地周本紀曰夏氏政衰后稷子不窋奔戎翟之間今州理東南三里有不窋故城是也春秋及戰國時爲義渠戎國秦厲公伐義渠并之虜其王至始皇時屬北地郡按今州理卽漢郁郅城也地理志屬北地郡後漢郡境爲虜所侵北地郡寄馮翊後魏文帝大統十一年置朔州周武帝保定元年廢朔州爲周武防隋文帝開皇三年改置合川鎮十六年割甯州歸德縣置慶州立嘉名也義甯元

年爲宏化郡。天寶元年改爲安化郡。至德元年改爲順化郡。乾元元年復爲慶州。

州境。東四二百五十二里。南四百七十二里。

八到。東南至上都五百七十里。東南至東都一千四百三十里。東南至東都一千四百三十里。

東北至延州四百四十里。西北至靈州六百二十里。

東至鄜州三百九十里。南至甯州一百二十七里。

西至原州三百四十里。北至鹽州五百七十二里。

貢賦。開元賦。牛蘇。麝香。胡布。

管縣十。順化。樂蟠。馬領。合水。華池。同川。洛源。延慶。方渠。懷安。

順化縣。中。郭下。本漢郁郅縣。後漢迄晉。戎虜所侵。不立州縣。後魏及周。以爲鎮防。開皇十六年。於今州城西

南一里置合水縣。在馬領白馬二水口。因以爲名。屬慶州。大業二年。以慶州爲宏化郡。合水屬焉。至武德

二年。改合水爲合川縣。取隋合川鎮爲名。貞觀元年。改爲宏化縣。天寶元年。改爲安化縣。至德元年。改爲

順化縣也。

不窰墓在縣東二里。

樂蟠縣。中。北至州。本漢略畔道地。今縣理北五里略畔故城是也。後漢及晉。爲虜所侵逼。此地無復郡

縣。後魏文帝於此置蔚州。周武置北地郡。隋開皇三年罷郡。以彭陽、襄樂二縣屬甯州。義甯元年分合水縣置樂蟠縣。屬宏化郡。取樂蟠城爲名也。百官表云。縣有蠻夷曰道。按略畔樂蟠皆指此城。方言訛舛。故不同耳。

馬領縣。中。東南至州六十七里。本漢舊縣。屬北地郡。漢末爲虜所侵。至後魏爲朔州之地。隋大業元年分合水縣於

此置馬領縣。復漢縣之舊名也。十三年陷賊。縣廢。義甯二年於今縣理北四十里百家堡置馬領縣。屬宏化郡。以縣西一里有馬領坂。因名。

秦長城在縣西北一百二十六里。卽蒙恬所築也。

合水縣。中。西至州五十里。本漢略畔道之地。在今縣西南三十八里。故城是也。自後漢至晉。此地皆無郡縣。至後

魏爲襄樂縣之地。武德六年分合水縣置蟠交縣。以城臨大小樂蟠二水交口。因以爲名。天寶元年改爲合水縣。

華池縣。下。西南至州一百五十里。本漢歸德縣地也。按漢歸德縣。今洛源縣是。隋仁壽二年於今縣東北二里庫多

汗故城置華池縣。因縣西華池水爲名。屬慶州。皇朝因之。

子午山舊名翟道山。在縣西四十五里。

同川縣。中。下。東至州八十里。本漢郁郅縣地。隋義甯三年分甯州之彭原縣西南十五里三泉故城置三泉縣。屬

宏化郡。武德元年改爲慶州。縣屬焉。仍改爲同川。因同川城爲名。

洛源縣。中下東南至州二百七十五里。本漢歸德縣地。屬北地郡。後漢更始二年封岑彭爲歸德侯。謂此地也。後漢迄

晉無復郡縣。後魏文帝大統元年復置歸德縣。隋大業元年改爲洛源縣。因洛水所出爲名。皇朝因之。

洛水源出自於山。一名女郎山。在縣北三十里。

延慶縣。中南至州四十里。本漢郁郅縣地。後魏於今縣理置朔州。隋開皇中改置合水縣。武德六年移豐州戶住

此。仍分合水縣置白馬縣。以西臨白馬川水爲名。天寶元年改名延慶縣。

方渠縣。中下東南至州一百八十里。古慶匡州倉在馬領川內。因渠爲名。景龍元年置。取漢縣爲名。縣西北馬領山諸

谷水東南流經縣所置方渠堡。因名之。

懷安縣。下南至州一百六十里。古居近黨項藩落。開元十年檢逃戶初置。故以懷安爲名。

鄜州。上洛交開元戶三萬百八十五。鄉五十二。

今爲鄜坊觀察使理所。舉田。

管州四 鄜州 坊州 丹州 延州

縣二十三 都管戶四千三百四十七

禹貢雍州之域。春秋時屬秦。至始皇時地屬上郡。漢爲上郡雕陰縣地。按漢雕陰在今洛交縣北三十里。

雕陰故城是也。暨晉陷於戎羯，不置州郡。苻姚置杏城鎮。後魏孝文帝廢鎮，改為東秦州。孝明帝改為北華州。廢帝改為鄜州。因秦文公夢黃蛇自天降，屬於地，遂於鄜衍立鄜，時為名。大業初，復為上郡。武德元年，復舊為鄜州。貞觀二年，加為都督府。十六年，罷府。州仍舊名，立交城。

州境東四二百七十六里，南北二百七十三里。

八到東南至上郡四百七十七里，東南至東郡九百五十九里。

東至丹州一百八十三里，南至坊州一百二十五里。

南至慶州三百九十八里，北至延州一百五十里。

貢賦開元貢賦同。龍鬚、蓆、賦、麻、布。

管縣五：洛交、洛川、三川、直羅、甘泉。

洛交縣本漢雕陰地，屬上郡。雕山在西南，故曰雕陰。魏省上郡，晉為戎狄所居。苻堅時為長城縣。後魏及周為三川縣。隋開皇十六年分三川、洛川二縣置洛交縣，屬鄜州。洛水之交，故曰洛交。皇朝因之。

洛水在縣南一里。

秦長城在縣東北三十里。

偽夏太后城在縣西三十六里。赫連勃勃聞劉裕滅姚泓，令其子義真等守長安，大悅。自將兵入長安，留

太后於此築城以居。

洛川縣。上西北至六十里。本漢郿縣地。後秦姚萇於此置洛川縣。以縣界有洛川水爲名。後魏置敷城郡。開元

三年罷郡。以縣屬郿州。

三川縣。中東北至六十里。本漢翟道縣地。古三水郡。以華池水、黑原水及洛水三川同會。因名。苻堅時於長城

原置長城縣。屬長城郡。後魏廢。帝改爲三川。屬中部郡。開皇三年屬郿州。

直羅縣。中下東至一百里。本漢雕陰縣地。後漢因之。魏省雕陰縣。晉時戎狄所居。後魏置三川郡。隋開皇三年

使戶部尙書崔仲方築城以居之。城枕羅原水。其川平直。故名直羅城。武德三年分三川。洛交於此置縣。

因城爲名。

大槃山在縣西北一百一十里。

羅川水在縣南二里。

甘泉縣。中下南至七十五里。武德元年分洛交縣於伏陸城置縣。取城爲名。天寶元年改爲甘泉縣。本漢雕陰縣

城。今在縣南四十里。

伏陸山在縣理東北。有阿伏斤谷。其水出。又潛流伏陸。故號伏陸。天寶元年改爲甘川谷。

坊州。中下。開元戶一萬五千七百五十五。鄉四十四。鄉四十二。

墾田

禹貢雍州之域。古之翟國。秦屬內史。漢為左馮翊。翟道縣之地。魏晉陷於夷狄。不置郡縣。劉石苻姚時。於今州理西七里置杏城鎮。常以兵守之。後魏孝文帝改鎮為東秦州。孝明帝改為北華州。廢帝改為鄜州。元皇帝以周武帝時天和七年放牧於今州界。置馬坊。結搆之處尚存。武德二年高祖駕幸於此。聖情永

感。因置坊州。取馬坊為名。

州境。東四三百八十九里。南一百三十九里。

八到。東至上都三百五十里。東至東都九百里。

東南至同州二百五十里。西南至邠州三百十里。

東北至丹州二百六十里。北至鄜州一百五十里。

貢賦。開元貢。龍鬚席。棗。麻。弓。絃。麻。元和貢。同。

管縣四 中部 宜君 昇平 鄜城

中部縣。上。本漢翟道縣地。屬左馮翊。魏晉戎翟所居。後秦姚興於今縣南置中部縣。後魏文帝移入杏城。

後周改為內郡。屬鄜州。武德二年置坊州。改為中部。

杏城在縣西南五里。相傳云漢將韓胡伐杏木為柵以抗北狄。因以為名。

宜君縣。上東北至一百里。前秦苻堅於殿祔縣故城置宜君護軍。後魏太武改爲宜君縣。文帝大統五年。又移於今華原縣北。貞觀十七年。廢縣。地入雍州。二十年。置玉華宮。仍於宮所置宜君縣。屬雍州。永徽二年。與宮同廢。龍朔三年。坊州刺史竇師倫奏再置。

玉華宮在縣北四里。貞觀二十年。奉敕營造。其地本縣人秦小龍宅。太宗云。小龍出。大龍入。當時以爲清涼勝於九成宮。永徽二年。有詔廢宮爲寺。便以玉華爲名。寺內有肅成殿。永徽中。奉敕令元奘法師於此院譯經。每言此寺卽閻浮之兜率天也。

昇平縣。上東至九十里。天寶十二年。刺史羅希奭奏割宜君縣西北三鄉置。去宜君縣三十五里。

鄜城縣。上東至一百里。本漢鄜縣地。屬左馮翊。後漢省。後魏於今縣理置鄜城縣。屬鄜城郡。大業元年。改屬坊州。

丹州。咸平開元戶一萬二千四百二十二。鄉三十五。
元和戶八百十六。鄉十二。

墾田

禹貢雍州之域。春秋時爲白翟所居。隋圖經云。義川本春秋時白翟地。今其俗云。丹州白室。胡頭漢舌。其後耳。秦置三十六郡。屬上郡。漢因之。魏文帝省上郡。其地晉時戎狄居之。苻姚時爲三堡鎮。後魏文帝大統三年。割鄜延二州地置汾州。理三堡鎮。廢帝以河東汾州同名。改爲丹州。因丹陽川爲名。領義川、樂川縣。

隋大業三年廢丹州於義川縣置延平縣十三年為胡賊劉步祿所據義甯元年於義川縣置丹陽郡武德元年改為丹州九年置都督府貞觀元年罷府為州永徽二年移於赤石川

州境東四一百九十九里
南一百七十三里

八到西南至上都五百五十里
東南至東都九百二十里

東至同州三百五十里
西至鄭州一百八十里

南至坊州二百六十里
北至延州二百五十里

貢賦開元貢麝香蠟燭龍鬚滌賦麻布
元和貢同

管縣四 義川 雲巖 汾川 咸甯

義川縣上郭下本秦上郡之地二漢因之魏省上郡其地至晉為戎狄所居後魏文帝大統三年置義川縣屬義川郡因川為名大業三年廢丹州義川屬延州義甯元年於舊城復置丹陽郡縣在城內永徽二年移於今理

雲巖縣中東南至武德元年分義川縣置在庫利川南有雲巖山因以為名

庫利川在縣郭南昔有奴賊居此川內稽胡呼奴為庫利因以為名

汾川縣上西南至本秦上郡地二漢因之魏省上郡後魏孝文帝置安平縣理薛川屬樂川郡文帝改

安平爲汾川。開皇三年罷郡。縣屬丹州。大業二年屬延州。武德元年復屬丹州。

黃河在縣東七里。河岸頓狹。狀似槽形。鄉人呼爲石槽。蓋禹治水鑿石導河之處。石槽長一千步。闊三十步。懸水奔流。鼃鼃魚鼈所不能游。

咸甯縣。中下。西南至州四十五里。本秦上郡之地。後魏孝文帝太和十八年。於白水川置永甯縣。屬義川郡。在今縣

東二十里。永甯故縣是也。文帝改爲太平縣。移於今所。隋開皇三年罷郡。屬丹州。十八年改太平縣爲咸

甯。以界內有咸甯鎮爲名。

延州。延安。望中都督府。開元戶一萬六千三百四十五。鄉六十八。

墾田

禹貢雍州之域。春秋時白翟所居。秦置三十六郡。屬上郡。在漢爲上郡高奴縣之地。今州理卽上郡高奴縣之城也。項羽三分秦地。以董翳爲翟王。都高奴。卽其地也。魏省上郡。至晉。陷爲戎狄。其後屬赫連勃勃。後魏滅赫連昌。以屬統萬鎮。孝文帝置金明郡。宣武帝置東夏州。廢帝改爲延州。以界內延水爲名。置總管丹延綏三州。隋開皇八年廢總管。但爲延州。煬帝以爲延安郡。隋氏喪亂。陷於賊寇。武德元年。百姓歸化。置總管府。開元二年爲都督府。尋罷府爲州。

州境。東西四百四十九里。南北三百五十一里。

八到東南至上都六百七十四里

東至鄜州三百六十里

西至鄜州一百五十里

西南至慶州四百四十里

管縣開元貢賦同 蜜蠟 麝香 賦 麻 布

管縣十 膚施 延長 臨真 金明 豐林 延川 敷政 延昌 延水 門山

膚施縣上 郭下 本漢舊縣屬上郡趙武靈王滅齊中山遷其人於膚施漢書曰匈奴南侵至朝那膚施即其

處也魏晉陷戎狄隋煬帝大業二年分豐林金明二縣於此置膚施縣復舊名也屬延安郡皇朝因之

縣有五龍山帝原水黃帝祠

清水俗名去斤水北自金明縣界流入地理志謂之清水其肥可然鮮卑謂洧水為去斤斤一作筋

延長縣中 東至州一百三十里 本秦膚施縣地後魏廢帝元年於邱頭原置廣安縣隋仁壽元年以廣字犯皇太子

名改為延安大業末廢貞觀六年又置移於府北去斤川今縣是也廣德二年改為延長

臨真縣中 西北至州一百四十里 本漢高奴縣地後魏文成帝置臨真縣屬偏城郡周武帝天和元年稽胡叛攻破

郡城遂移於今理隋開皇元年改為臨真縣屬延安郡皇朝因之

金明縣中 東南至四十八里 本漢高奴縣地後魏太武帝於此置廣洛縣屬金明郡隋開皇四年屬延州後仁壽

元年以太子名廣改爲金明縣。大業十三年省入膚施縣。武帝六年又分置金明縣。

豐林縣。中下。西至州三十里。本漢高奴縣地。後魏孝文帝置廣武縣。屬偏城郡。在今理東四十里。周宣帝改爲豐

林。屬延州。皇朝因之。

琉璃山在縣北十五里。

延川縣。中。西南至州一百八十里。本秦臨河縣地。漢不改。後漢省。後魏分安人縣於此。地置文安縣。隋文帝改爲延

川。取吐延川爲名。皇朝因而不改。

吐延水。北自綏州綏德縣流入。

敷政縣。中下。東北至州一百五十里。本漢高奴縣地。後魏太和初置。因城名縣。隋開皇六年於其中置金城鎮。武德二

年移縣就鎮。因改爲金城縣。天寶元年改敷政。

延昌縣。中。南至州一百七十六里。本漢高奴縣地。隋開皇三年於此置朔方鎮。十年以北有朔方鎮。遂廢。貞觀九年

置罷交鎮。十年又置罷交縣。屬延州。取城北罷交谷爲名。天寶元年改爲延昌縣。

塞門鎮在縣西北二十里。鎮本在夏州甯朔縣界。開元二年移就蘆子關南金鎮所安置。

蘆子關。屬夏州。北去鎮一十八里。

延水縣。中下。西至州一百一十五里。本秦臨河縣之地。史記秦滅六國使蒙恬北擊匈奴。悉收河內地。因河爲塞。築四

十四縣城臨河。徙謫吏以戍之。漢因之。在今縣理北十五里。臨河故城是也。後魏於其中置安人縣。并安人鎮。屬東夏州。隋文帝廢鎮。置安人戍。武德二年。重置安人縣。屬延州。貞觀二十三年。改爲延水縣。取吐延水爲名。

黃河在縣東八里。

門山縣。中。西至州二百五十里。本漢定陽縣地。周宣帝大象元年。分汾州。雲巖二縣於今縣南六里。置北有山。形似

門。因以爲名。武德八年。於今縣北五里。宋斯堡置。屬丹州。廣德二年。割屬延州。

黃河在縣東三十五里。

元和郡縣圖志卷三考證

關內道三

鄉三涇州下

官本下有十字南本同。

墾田

數缺諸卷率然不悉列。

都管戶

數缺諸卷率然不悉列。

美陽涇州

官本作夷陽誤。

北至原州城三百三十里。八到

北上宜有西字三十原州八到作二十按前條至平涼縣一百五十里平涼縣注至州一百六十里共三百十里各條互異未知孰確又按此志於州境八到臚列備詳蓋以方輿道里爲地志切要經世讀

史必宜覆按傳鈔既久諸州並多齟差錄之以待折衷

南至鳳翔二百五十八里

官本翔作州誤鳳翔府八到作二百二十

折墟故城保定縣本條

通典作析墟唐書薛舉傳同

本漢鶉觚縣靈臺縣敘

地理志作鶉孤郡國志改从角

周屬趙平郡

隋志鶉觚注舊置趙平郡後周廢郡樂史引周地圖記鶉觚縣周屬平涼郡均與此別改爲靈臺縣理即古密國之地今縣理西陰密故城其東接縣城是也

上理字官本無即古句在是也上文義爲長宜照改

置湫谷縣臨涇縣敘

官本作秋谷脫水下同

縣有彭陽川去彭陽縣一百步

官本作縣在彭陽川內彭陽水上百步語恐有訛

本漢陰盤潘原縣敘

漢志作陰槃晉志作陰般字通

縣西二十三里 有陰盤

按宜祿縣作縣西北二十五里錢坵引作縣西二十五里未知孰的南本盤下有驛字原州

宜注雄字會要云乾元三年正月十一日升

漢爲安定郡原州敘

下宜有缺文

東南至上都八百里八到下

官本誤作八十

南至秦州

宜作西南

笄頭山平高縣本條

筭漢書作开南本作升

湫泉祠朝那朝那

郊祀志泉作淵唐諱改官本脫朝字

淮南子云涇水

子下脫注字初學記引作高誘注

神龍三年蕭關縣

唐志作元年

緊邠州

劉昫云上按此志所注州縣等第與唐志多未合會要亦不盡詳其升降年月無依據者並从略

東北至東都八到

官本作東南此誤

東至奉天縣

官本作南至宜作東南

西北至甯州

官本無西字是南本从之。

麻布。米粟。開元賦

官本作布。麻。此誤合為一。官本無米粟。

在縣南。新平縣龍原條

官本南作東。陳蘭森校補寰宇記引此作南。官本恐誤。

橐邱堡。本條

官本作橐。樂史作橐。與此同。

先兵有謠。苻堅條

官本無兵字。

苻詔。

十六國春秋作苻堅。

有鐵官。三水縣敘

地理志原作有鹽官。水經注云。縣東有溫泉。泉東有鹽池。

縣南界。永壽縣

官本南作西誤。

宜祿川。後魏舊名也。宜祿縣敘

官本川作州。誤。後作復南本从之。

太宗親征。相守六十餘日。淺水原條

親征下宜有屯高墟句。唐書太宗疾間復屯於高墟城。相持六十餘日。此志下云故城猶在。即謂高墟也。佚屯高墟句。則語爲無薄。殊失文義。

七十二。甯州下

官本作七十三。

望。

宜作雄。會要云。至德元年十月二十九日升。

當夏之衰。公劉邑焉。甯州敘

公劉邑已見邠州。按鄭康成詩譜云。豳今屬右扶風枸邑。其封域在禹貢岐山之北。原隰之野。唐時宜在邠州。此恐未的。

後西伯。

官本作西北疑誤

秦昭王

按史記并義渠在厲共公時。此志慶州亦作厲公。昭王字誤。

卽地名也。

南本卽作取古。

東北至延州云云。八到

官本缺。

東南方十五里泥陽故城。安定縣敘

官本無方字。南本同。均誤。按唐安定縣卽今甯州。顧祖禹曰。泥陽故城在縣東五十里。

本漢陽周縣地。真甯縣敘

按陽周漢屬上郡。其故城宜在唐綏州大斌縣境。水經注。奢延水又東。走馬水注之。水出西南長城北。

陽周縣故城南橋山。去真甯尙遙。此蓋沿括地志誤。以北魏縣當漢縣。

魏置宜陽。

官本宜作泥。樂史亦作泥。此恐誤。

改爲羅川縣以南羅水爲名。

南羅水宜作縣南羅川水。官本作因縣南羅水爲名。水上脫川字。南本从之。並省縣字。樂史云縣有羅

川水正合縣名。

黃帝陵在山上。子午山條

地理志陽周橋山有黃帝冢。非眞甯。此本括地志。蓋以子午山有橋山之名。遂指此爲漢陽周縣誤。

始皇三十年。襄樂縣秦故道條

按史記宜作三十五年。

都督府。慶州下

劉昫作中都督府。按會要武德七年改總管府爲大都督府。管十州以上爲上都督府。不滿十州爲都督府。開元元年著令戶二萬以上爲中都督府。不滿二萬爲下都督府。此志與定制多不合。無據者不

悉錄。

牛蘇。賈賦下

樂史作牛酥。

義甯三年。同川縣敘

官本作二年是。

武德元年。

按唐志宜作三年。

古慶匡州倉在馬領川內。方渠縣敘

按各地志古無慶匡州。義亦未析。疑原作方渠倉在慶州馬領川內。別有脫文。官本按云。方渠本漢縣。

屬北地郡。隋為慶州馬領縣地。

景龍元年。

唐志作神龍三年。

縣所置。

官本所作新。

古居近黨項藩落。懷安縣敘

古官本作右。按縣本隋柳谷縣地。恐別有脫誤。

五十二。鄭州元和鄉

官本作十二。南本同。

罷府州仍舊名立交城鄆州

宜有脫誤官本作罷府州城舊名立交城義亦未析

東西二百七十六州境

官本作二百六十七

東南至上都八到下

宜作西南

南至慶州

官本作西是南本同

元和貢賦同賦

官本無

一千八百四十二坊州

官本二作三與都管戶數合此誤

元皇帝 天和七年坊州

南本帝下注高帝之父四字七年宜誤按周武帝本紀天和無七年

東至上都八到

宜作南至

元和貢賦同貢賦

官本無按云前同州載開元貢賦復載元和貢而他州無之當是同者不復載也此坊州與後靈會鹽

諸州并不載開元賦必由傳寫缺佚今按貢賦脫誤甚多無所取正不悉列

郿城縣屬郿城郡郿城縣

按地形志郿並宜作敷樂史云大業元年改敷爲郿

咸平丹州下

按唐志丹州宜注咸甯官本作咸平並誤

步落稽胡丹州

樂史引圖經步作部御覽引周書稽胡一曰步落稽樂史疑誤

置延平縣丹州

按隋志宜作延安郡樂史云大業三年廢丹州於義川縣置延安郡蓋本此

東至同州八到下

東宜作南。按同州今爲府。丹州今延安府宜川縣也。南至坊州。

南上脫西字。坊州作東北至丹州是。

滅齊中山遷其人。大業二年。隋施縣敘。

南本無齊人。作王二年。按隋志作三年。樂史同。

地理志謂之清水。其肥可然。鮮卑謂洧水爲去斤。清水條。

清洧字互訛。地理志高奴縣有洧水可難。難卽古然字。此誤作清。鮮卑謂清水爲去斤。結上文俗名。不宜作洧。官本並作清。殊少別擇。南本同。

後魏文成帝置臨眞縣。屬偏城郡。臨眞縣敘。

按地形志。臨眞屬定陽郡。偏城郡立於孝文太和元年。時不相及。樂史改文成爲太武。失之愈遠。抑文成前有偏城郡。史不能詳歟。

琉璃山在縣北十五里。豐林縣本條。

官本十上有九字。

一百八十里。延川縣下。

官本八作五。

安人縣延川縣

按地形志本作安民唐避。

因城名縣數政縣

名字宜衍官本無。

臨河故城延水縣

按地理志漢臨河屬朔方郡在今河套內延水即今延川縣地相鉅爲遙疑誤。

安人鎮 安人戍。

人原並作民唐避。

中門山縣

宜作上按會要永泰二年升。

周宣帝大象元年分汾州門山縣

宣宜作靜按周書宣帝傳位太子改元大象此志仍稱宣帝蓋紀實也後仿此州宜作川。

屬丹州。

元和郡縣圖志 卷三 考證

官本脫屬字

元和郡縣圖志卷第四

關內道四

靈武節度使 靈州 會州 鹽州

夏州節度使 夏州 綏州 銀州 宥州

振武節度使 單于都護府 東受降城 麟州 勝州

豐州都防禦使 天德軍 中受降城 西受降城

靈州 靈武 開元月九千六百六 鄉二十七

今為靈武節度使理所

管州三 靈州 會州 鹽州

縣十

禹貢雍州之域。春秋及戰國屬秦。秦并天下。為北地郡。漢富平縣之地。後漢安帝永初五年。西羌大擾。詔令郡人移理池陽。順帝永建四年。歸舊土。其城赫連勃勃所置果園。今桃李千餘株。鬱然猶在。後魏太武帝平赫連昌。置薄骨律鎮。後改置靈州。以州在河渚之中。隨水上下。未嘗陷沒。故號靈州。周置總管府。大

業元年罷府爲靈州。三年又改爲靈武郡。武德元年又改爲靈州。仍置總管。七年改爲都督府。開元二十一年於邊境置節度使。以遏四夷。靈州常爲朔方節度使理所。

朔方節度。管兵六萬四千七百八人。馬二萬四千三百匹。衣賜二百萬匹段。

統經略軍。靈武郡城內管兵二萬七百人。馬三千匹。

豐安軍。靈武郡西黃河外一百八十餘里。萬歲通天初置。管兵八千人。馬一千三百匹。

定遠東城。靈武郡東北二百里。黃河外。景龍中韓公張仁愿置。管兵七千人。馬三千匹。

西城。九原郡北黃河外八十里。景龍中韓公張仁愿置。管兵七千人。馬一千七百匹。西南去理所一千餘里。

安北都護府。亦曰中受降城。景龍中韓公張仁愿於黃河北岸置。管兵六千人。馬二千匹。西南去理所一千三百里。

振武軍。單于都護府城內。天寶中王忠嗣置。管兵九千人。馬一千六百匹。西南去理所一千七百里。

天寶元年又改爲靈武郡。至德元年肅宗幸靈武卽位。昇爲大都督府。乾元元年復爲靈州。

州境。東西五百八十里。南北八十里。

八到。東南至上都一千二百五十里。東南至東都二千二百七十里。

東南至鹽州三百里

西南至涼州九百里

貢賦

開元貢

鹿角膠

雜筋

麝香

花蕊蓉

赤檀

馬鞭

烏翎

管縣六

迴樂

靈武

保靜

懷遠

鳴沙

溫池

定遠城廢

迴樂縣

郭下

木漢富平縣地屬北地郡

在今縣理西南富平故城是也

後漢置迴樂縣枕黃河

後魏刁雍

為薄骨律鎮將上表請開富平西三十里艾山舊渠通河水溉公私田四萬餘頃人大獲其利孝文太和

七年雍又上表論漕運奉詔平高安定平高今屬原州安定統萬今涇州統萬今夏州及臣所守四鎮出車五千乘運穀五十

萬斛付沃野鎮以供軍糧臣鎮去沃野鎮八百里道多深沙輕車往來猶以為難今載穀二十五斛每至

深沙必至滯陷又穀在河西轉至沃野越渡大河計五千乘運十萬斛百餘日乃得一返大廢生人耕墾

之業車牛艱阻難可全至一歲不過二運五十萬斛乃經三年臣聞鄭白之渠遠引淮海之粟泝流數千

里周年乃得一至猶稱國有儲糧人用安樂今求於蟾岷山在今原州平高縣即今斧頭山語訛亦曰沂屯山即蟾岷

二百艘二船為一舫一舫乘二千斛一舫十人計須千人臣鎮內之兵卒皆習水一運二十萬斛方舟順

流五日而至自沃野牽上十日還到合六十日得一返從三月至九月三返運送六十萬斛計用人工輕

於車運十倍有餘不費牛力又不廢田孝文帝善之下詔曰非但一運自可永以為式

溫泉鹽池在縣南一百八十三里。周迴三十一里。

薄骨律渠在縣南六十里。溉田一千餘頃。

安樂川在靈州南稍東一百八十里。

長樂山舊名達樂山。亦曰鐸落泉山。以山下有鐸落泉水。故名。舊吐谷渾部落所居。今吐蕃置兵守之。

靈武縣。上。東南至州十八里。本漢富平縣之地。後魏破赫連昌。收胡戶徙之。因號胡地城。天和中於此州東北置

建安縣。開皇十八年改爲大潤縣。仁壽元年改爲靈武縣。移入胡地城安置。

黃河自迴樂縣界流入。

千金陂在縣北四十二里。長五十里。闊十里。

漢渠在縣南五十里。從漢渠北流四十餘里。始爲千金大陂。其左右又有胡渠、御史、百家等八渠。溉田五

百餘頃。

保靜縣。上。州六十里。西南至本漢富平縣地。後魏立宏靜鎮。徙關東漢人以充屯田。俗謂之漢城。隋改置宏靜縣。

神龍元年改爲安靜。至德元年改爲保靜。

賀蘭山在縣西九十三里。山有樹木青白。望如駁馬。北人呼駁爲賀蘭。其山河東望雲山。形勢相接。迤邐向北。經靈武縣。又西北經保靜西。又北經懷遠縣西。又北經定遠城西。又東北抵河。其抵河之處。亦名乞

伏山在黃河西。從首至尾。有像月形。南北約長五百餘里。真邊城之鉅防。山之東。河之西。有平田數千頃。可引水溉灌。如盡收地利。足以贍給軍儲也。

懷遠縣。上。南至州一百二十里。在州東北。隔河一百二十里。本名飲汗城。赫連勃勃以此爲麗子園。後魏給百姓。

立爲懷遠縣。其城儀鳳二年。爲河水汛損。三年。於故城西更築新城。縣有鹽池三所。隋廢。紅桃鹽池。鹽色似桃花。在縣西三百二十里。武平鹽池。在縣西北十二里。河池鹽池。在縣東北一百四十五里。

廢靈武城。在縣東北。隔河一百里。其城本蒙恬所築。古謂之渾懷障。卽渾懷所理道。故謂之靈武。

新堡。在縣西北四十里。永昌元年。置堡。內安置防禦軍二千五百人。糧五萬石。舊名千金堡。今名新堡。

鳴沙縣。上。東北至州一百二十里。本漢富平縣地。屬安定郡。在今縣理東二百里。原州。周保定二年。於此置會州。建

德六年。廢郡。立鳴沙鎮。隋文開皇十九年。置環州。以大河環曲爲名。仍立鳴沙縣屬焉。大業三年。罷環州。

以縣屬靈武郡。貞觀六年。復置環州。九年。州廢。以縣屬靈州。神龍二年冬。爲默啜所寇。因而荒廢。遂移縣

於廢豐安城。卽今縣理是也。西枕黃河。人馬行經此沙。隨路有聲。異於餘沙。故號鳴沙。

溫池縣。上。西北至州一百八十里。神龍五年。置縣。側有鹽池。

定遠縣。廢。有州東北二百里。卽漢北地郡方渠縣之地。先天二年。郭元振以西城遠闊。豐安勢孤。中間千

里無城。烽堠杳渺。故置此城。募有健兵五千五百人。以鎮之。其後信安王禕更築羊馬城。幅員十四里。

經略軍在夏州西北三百里。天寶中，王忠嗣奏於榆多勒城置軍，今屬靈武節度。本屬夏州，南去靈武六百五十餘里。元和九年，於此城新置宥州。

會州會寧，開元戶三千五百四十，鄉六。
下府，元和戶

禹貢雍州之域，古西羌地。周太祖爲西魏相，來巡會師於此。土人張信罄資饗六軍，太祖悅，因命置州，以會爲名。周武帝保定二年，廢州，改爲會甯防。隋開皇元年，改防爲鎮。武德二年，討平李軌，置西會州。貞觀八年，以此州倉儲殷實，改爲粟州。其年，又爲會州。天寶元年，改爲會甯郡。乾元元年，復爲會州。

州境，東四百一十里，
南三百三十里。

八到，東南至上都一千一百九十里，
東南至東都二千五百里。

東南至原州三百九十里，
西南至蘭州三百八十里。

西北至涼州五百四十里，
東北至靈州五百三十里。

貢賦，開元貢覆鞍，
靽靬。

管縣二 會甯 烏蘭

會甯縣，上。本漢鶉陰縣地。周太祖置會甯縣，屬會州。大業二年，改爲涼川縣。武德二年，又改爲會甯。
黃河堰，開元七年，河流漸逼州城。刺史安敬忠率團練兵起作，拔河水向西北流，遂免淹沒。

會甯關東南去州一百八十里。

河池西去州一百二十里。其地春夏因雨水生鹽。雨多鹽少。雨少鹽多。遠望似河。故名河池。

烏蘭縣。上。東南至州一百四十里。本漢祖厲縣地。屬安定郡。後漢屬武威郡。前涼張軌收其縣人於涼州。故武威縣

側近別置祖厲縣。周武帝西巡於此。置烏蘭關。又置縣。在會甯關東南四里。舊城內沙石不堪久居。天授

二年。移於東北七里平川置。

鹽州。五原。開元戶三千二十五。鄉七。中府。元和戶。

禹貢雍州之域。春秋爲戎狄所居地。史記梁山經漆之北。有義渠。胸衍。謂此也。及始皇并天下。屬梁州。漢

武元朔二年。置五原郡地。有原五所。故號五原。至晉地沒。赫連勃勃。後魏平之。改爲西安州。以其北有鹽

池。又改爲鹽州。大業三年。爲鹽川郡。貞觀二年。討平梁師都。置鹽州。天寶元年。改爲五原郡。乾元元年。復

爲鹽州。

州境。東二百四十八里。南二百七十里。

八到。南至上都一千五百里。東至東都一千七百三十里。

東至經略軍四百里。南至慶州四百五十里。

西北至靈州三百里。西北取烏池黑浮圖堡私路至靈州四百里。

貢賦。開元貢鹽上四十縣。

管縣二 五原 白池

五原縣。上。本漢馬領縣地。貞觀二年與州同置。五原謂龍游原。乞地千原。青領原。可嵐貞原。橫槽原也。

鹽池四所。一烏池。二白池。三細頂池。四瓦窰池。烏。白。二池出鹽。今度支收糶。其瓦窰池。細頂池並廢。

白池縣。上。南至景龍三年勅置。以地近白池。因以為名。

宥州。廢。在鹽州北百四十里。調露元年於靈夏南界置魯麗含塞依契等六州。以處突厥降戶。時人謂之

六胡州。長安四年併為匡長二州。神龍三年復置蘭池都督府。在鹽州白池縣北八十里。仍分六州各為

一縣以隸之。開元十一年康大寶叛亂於此。剋定後遷其人於河南江淮諸州。二十六年赦其餘黨。遂於

此置宥州。以寬宥為名也。後為甯朔郡。領縣三。懷德。歸仁。延恩。寶應後廢。其本末具新宥州。

夏州。朔方。開元戶六千一百三十二。鄉二十。

今為夏州綏銀節度使理所。

管州四 夏州 綏州 銀州 宥州 新置

縣十二

禹貢雍州之域。春秋及戰國時屬魏。秦并天下。置三十六郡。屬上郡。漢武帝分置朔方郡。後漢建武三十

年罷二十七年復置靈帝末羌胡爲亂塞下皆空至晉末赫連勃勃於今州理僭稱大夏勃勃字屈子朔方匈奴人父衛辰苻堅時爲西單于遂有朔方之地辰後爲後魏所殺勃勃殺高平沒奕干并其衆自稱天王於朔水之北黑水之南營起都城卽今州理是也名曰統萬城至子昌爲魏太武所滅置統萬鎮孝文太和十一年改置夏州大業元年以爲朔方郡隋末爲賊帥梁師都所據貞觀二年討平之改爲夏州置都督府天寶元年改爲朔方郡乾元元年復爲夏州

州境東西二百十五里南北七十里

八到東南至上都一千五十里東南至東都一千八百五十里

東至銀州一百八十里東南至延州四百里

西南至鹽州三百里西北至豐州七百五十里

貢賦開元賦 麻布 角弓 藍 酥 苜 霜麥

管縣四 朔方 德靜 甯朔 長澤

朔方縣上郭下本漢舊縣今縣理北什賁故城是也漢末荒廢後魏更置巖綠縣隋因之貞觀二年改爲朔

方縣

契吳山在縣北七十里十六國春秋曰赫連勃勃北游契吳歎曰美哉臨廣澤而帶清流吾行地多矣自

馬領以北。大河以南。未之有也。

無定河一名朔水。一名奢延水。源出縣南百步。赫連勃勃於此水之北。黑水之南。改築大城。名統萬城。今按州南無奢延水。唯無定河。卽奢延水也。古今異名耳。

烏水出縣黑澗。東注奢延水。本名黑水。避周太祖諱。改名烏水。初統萬城成。勃勃下書曰。今都城已建。宜立美名。朕方統一天下。君臨萬國。宜以統萬爲名。其城土色白而牢固。有九堞樓。峻險非力可攻。鄠道元云。統萬城蒸土加功。雉堞雖久。崇墉若新。

什賁故城在縣理北。卽漢朔方縣之故城也。詩所謂王命南仲。城彼朔方。是也。漢武帝元朔二年。收河南地。置朔方。五原郡。使校尉蘇建築朔方。公孫宏數諫。以爲罷敝中國。以奉無用之地。願罷之。上使朱買臣難宏發十策。宏不得一。由是卒城之。亦謂此也。自漢至今。常爲關中根本。什賁之號。蓋蕃語也。城西南有二鹽池。大而青白。青者名曰青鹽。一名戎鹽。入藥分也。

故白城一名契吳城。在縣北一百二十五里。契吳山。赫連中因山所築。勃勃嘗所歎美。故其子昌因立此城。以立勃勃之廟。

勃勃墓在縣西二十五里。隋置白城鎮。後廢。

德靜縣。中下西南蓋漢朔方縣地。周武帝於此置彌渾戍。南有彌渾水。因名。隋改爲德靜鎮。尋廢鎮。爲

縣皇朝因之。

無定河自朔方縣界流入。

秦長城在縣西二里。

甯朔縣中下西北至本漢朔方縣地。周於此置甯朔縣。屬化政郡。隋罷郡。以縣屬夏州。皇朝因之。

賀蘭山在縣東北三十里。

秦長城在縣北十里。

長澤縣中下東北至本漢三封縣地。屬朔方郡。卽今縣北二十里三封故城是也。後魏於此置長澤縣。

屬闌熙郡。隋罷郡。以縣屬夏州。皇朝因之。

闌熙故城在今縣西南二十里。

百井戍在縣南八十里。勃勃與禿髮檀戰處。

胡洛鹽池在縣北五百里。周回三十里。亦謂之獨樂池。聲相近也。漢有鹽官。

綏州上郡開元戶八千七百十五。鄉二十八。
元和戶八百四十。鄉一十二。

禹貢雍州之域。春秋時其地爲白翟所居。七國時屬魏。史記曰。魏有西河上郡。秦并天下。始皇置三十六郡。爲上郡。漢高帝元年。項羽立董翳爲翟王。後廢。復爲上郡。漢武帝徵六郡良家子爲羽林郎。上郡卽其

一也。按秦上郡城在今州理東南五十里。上郡故城是也。自後漢末已來，荒廢年久，俗是稽胡。及赫連勃勃都於統萬，上郡之地，又為赫連部落所居。後魏明帝神龜元年，東夏州刺史張邵於此置上郡。廢帝元年，於郡內分置綏州。隋煬帝又改為上郡。後又改為雕陰郡。以雕山在西南，故名。隋亂，陷賊。武德三年，百姓歸化，遂於延州豐林縣置綏州總管。貞觀二年，討平梁師都廢府，移州於今理。

州境東西二百一十九里，南北三百一十八里。

八到東南至上都一千四百里，西南至上都一千四百里。

東至石州二百七十里，西至夏州三百六十里。

西南至延州二百三十里，西北至銀州一百六十里。

東北至太原五百九十里。

貢賦開元貢蠟麻布。

管縣五 龍泉 延福 綏德 城平 大斌

龍泉縣郭中下。本秦膚施縣地。二漢同。後魏於此置上縣。取郡為名。開皇三年，上縣屬綏州。大業二年，改綏

州為上郡。又改為雕陰郡。上縣咸屬焉。皇朝因之而不改。天寶元年，改為龍泉。

疏屬山亦名雕陰山。卽山海經云，貳負之臣曰危，與貳負殺契窳，帝乃梏之疏屬山，卽此也。

無定河一名奢延水。自銀州撫甯縣界流入。

州城貞觀元年築。實中四面石崖。東面高八十尺。西面高一百四十尺。南面高四十尺。北面高一百二十尺。周迴四里二百步。

上郡故城在縣東南五十里。始皇使太子扶蘇監蒙恬於上郡。卽此處也。

吳兒城在縣西北四十里。初赫連勃勃破劉裕子義真於長安。遂虜其人。築此城以居之。號吳兒城。

延福縣。中下。西至州一百一十里。本秦膚施縣地。後魏置延陵縣。理延陵村。隋文帝改爲延福。皇朝因之。

綏德縣。中下。北至州一百里。本秦上郡之地。二漢不改。魏省上郡。後魏文帝分上郡南界邱尼谷置綏德縣。隋不改。皇朝因之。武德二年移於吐延水北。卽今理是也。

城平縣。中下。東北至州一百里。本秦膚施縣。二漢不改。後魏孝明帝於今縣理西三十里。庫仁川置城中縣。隋改爲

城平縣。自庫仁川移於今理。屬上郡。皇朝因之。

大斌縣。中下。東至州一百一十里。本秦膚施縣之地。後魏孝明帝神龜元年。於今縣東五里置大斌縣。屬上郡。周隋

不改。武德七年。於今城平縣界魏平故城改置。因隋舊名。大斌者。取稽胡懷化。文武雜半之義。

銀州。銀川。開元月六千一百二十。鄉十九。

禹貢雍州之域。春秋時屬白翟地。秦并天下。始皇分三十六郡。屬上郡。漢爲西河郡。圍陰縣之地。晉十六

國時爲戎狄所居。苻秦建元元年，自驄馬城巡撫戎狄，其城卽今州理城是也。周武帝保定二年，分置銀州，因谷爲名。舊有人牧驄馬於此谷，虜語驄馬爲乞銀。隋大業二年，廢銀州，縣屬雕陰郡。隋末陷於寇賊。貞觀二年，梁師都都於此，重置銀州。天寶元年，爲銀川郡。乾元元年，復爲銀州。

州境東西二百七十一里，南北三百二十八里。

八到西南至上都一千六百里，東南至東都一千四百里。

東至石州界黃河一百六十里，西至夏州一百八十里。

東南至綏州一百六十里，東北至麟州三百里。

貢賦開元貢麻布、女稽布、粟。

管縣四 儒林 眞鄉 開光 撫甯

儒林縣中下本漢圍陰縣地，以其在圍水之陰，故名。隋開皇三年於此置儒林縣，屬銀州。大業二年廢銀州，以縣屬雕陰郡。貞觀二年重置銀州，縣又屬焉。

無定河自夏州界流入。

眞鄉縣中下西至漢圍陰縣地。周武帝保定二年置今縣，屬銀州。皇朝因之。

茹蘆水源出縣理西北。

開光縣中下。西南二百里。漢圖陰縣地。周武帝保定二年。於今縣理置開光郡。宣帝大象二年。廢郡。置開光縣。屬撫甯郡。隋開皇三年。罷郡。以縣屬銀州。皇朝因之。

撫甯縣中下。北至八十里。本漢圖陰縣地。魏廢帝於縣東撫甯故城置撫甯縣。屬撫甯郡。隋開皇三年。廢郡。以

縣移於今理。屬銀州。皇朝因之。

無定河在縣北二十里。

廢宥州。在鹽州東北三百里。開元十六年置。寶應已後廢。事本末具新宥州。

新宥州。在夏州西北三百二十里。在廢宥州東北三百里。東南取夏州路至上都一千三百里。東至麟州

六百。本在鹽州北三百里。初調露元年。於靈州南界置魯、麗、含、塞、依、契等六州。以處突厥降戶。時人謂之

六胡州。長安四年。併爲匡、長二州。神龍三年。復置蘭池都督府。在鹽州白池縣北八十里。仍分六州。各爲

一縣以隸之。開元十一年。康大賓叛亂剋定。後遷其人於河南江、淮諸州。二十六年。還其餘黨。遂於此置

宥州。以寬宥爲名也。後爲甯朔郡。領縣三。懷德、延恩、歸仁。天寶中。宥州寄理經略軍。寶應已後。因遂廢

由是昆夷屢來寇擾。黨項。元和八年冬。回鶻南過磧。取西城。柳谷路討吐蕃。西城防禦使周懷義表至朝

廷大恐。以爲回鶻聲言討吐蕃。意是爲寇。唯中書侍郎平章事李吉甫以爲回鶻入寇。且當斷絕和事。不

應便來犯邊。今之多士。居平則橫生異議。深沮邊計。及聞邊警。又承虛聲。以洵朝廷。冀因幾危。搖動時事。

但當設備不足爲慮。因請自夏州至天德軍。復置廢館一十一所。以通急駟。又請夏州騎士五百人。營於經略故城。應援駟使。兼護黨項部落。上悉從之。又上言曰。國家舊置六胡州。在靈州界內。開元中。廢六州。置宥州。以領諸降戶。天寶末。宥州寄理於經略軍。蓋以謂居中。可以總統蕃部。北接天德。南據夏州。今經略軍遠礙靈武。通路乖越。又不置軍鎮。非舊制也。請置宥州理經略軍。至九年五月。詔復於經略軍城置宥州。仍爲上州。於州郭下置延恩縣。爲上縣。改隸夏綏銀觀察使。取郿城神策行營兵馬使鄭呆下兵士并家九千人。以實經略軍。又置州之日。版築之下。掘得釜二百五十四口。悉堪烹飪。識者以爲暗合前賢之規模。亦足以彰元化之所感也。其釜並散給諸營。以資軍用。又頃年。每有回鶻消息。常須經太原取駟路。至闕下。及奏報到。已失事宜。今自新宥州北至天德。置新館一十一所。從天德取夏州。乘傳奏事。四日餘。便至京師。

單于大都護府。今爲振武節度使理所。

管州二 麟州 勝州

縣六

東受降城。在朔州北三百五十里。本漢定襄郡之成樂縣也。後魏都盛樂。亦謂此城。武德四年。平突厥。於此置雲州。貞觀二十年。改爲雲州都督府。麟德二年。改爲單于大都護府。垂拱二年。改爲鎮守使。聖歷元

年改置安化都護。開元七年，隸屬東受降城。八年，復置單于大都護府。

州境東北

八到東南取太原路至上都一千九百二十里。

東南至東都一千七百里。

東南至朔州三百二十里。

西南至成都一百二十里。

北至黑砂磧口七百里。

管縣一 金河

金河縣中下。天寶四年於城內置其振武軍。景龍二年張仁愿於今東受降城置。天寶四年節度使王忠

嗣移於此。金河卽後魏什翼犍所都盛樂之地。道武遷都平城卽今雲州所理是也。

麟州新秦天寶月元和月

禹貢雍州之域。秦漢爲雲中郡。隋開皇二十年置榆林縣。改爲勝州。天寶元年王忠嗣奏割勝州連谷銀

城兩縣置麟州。

州境東南

八到西南至上都一千四百六十里。

東南至東都一千五百一十里。

東至嵐州一百八十里。

東至嵐州界黃河一百二十里。河上有合水關。

東北至勝州四百里
西南至銀州三百里

貢賦

管縣三 新秦 連谷 銀城

新秦縣中下 初漢武帝徙貧人於關中以西及朔方以南謂之新秦天寶元年置以為縣取漢舊名也

連谷縣中下 南至本漢圍陰縣地屬西河郡在今銀州儒林縣界隋文帝於此置連谷鎮煬帝改為連

谷戍大業十三年廢戍貞觀八年於廢戍置連谷縣屬勝州天寶元年割屬麟州

連谷鎮理縣城中貞觀八年置

銀城縣中下 北至本漢圍陰縣地屬西河郡漢末大亂匈奴侵邊雲中西河之間其地遂空訖於魏晉

不立郡縣後魏時置石城縣廢帝改為銀城關周武保定二年移於廢石龜鎮城即今縣理是也貞觀因

之屬勝州天寶元年屬麟州

勝州榆林下府 開元戶四千九十五 鄉十三

禹貢雍州之域春秋為戎狄地戰國時為晉趙地地理志云雲中立五原本戎狄地趙有之始皇時分三

十六郡為雲中郡漢因之不改按漢雲中在今州理東北四十里榆林縣界雲中故城是也漢末大亂匈

奴侵邊其城遂空晉末屬赫連氏赫連勃勃都於統萬按統萬城在今州理西南八百里夏州是也後魏太武平赫連昌之後訖於周

代。往往置鎮。不立郡縣。隋文帝開皇三年。於此置榆林關。七年。又置榆林縣。屬雲州。二十年。割雲州之榆林、富昌、金河三縣置勝州。立嘉名也。煬帝大業五年。以勝州爲榆林郡。領榆林、富昌、金河三縣。十五年。郡人郭子和以城入突厥。武德四年。郭子和歸國。其地又陷。梁師都貞觀二年。平師都。三年。仍隋舊理。置勝州。時柴紹、劉蘭破滅。匈奴奪得河南之地。因置州。以決勝爲名。

州境。東。西。南。北。

八到。東南至東都一千八百五十三里。西南至麟州九百里。西北至豐州九百里。北至銀州七百里。南至豐州七百里。

貢賦。開元貢。女。稽。布。麻。粟。麻布。

管縣二 榆林 河濱

榆林縣。中下。本漢沙南縣地。屬雲中郡。漢末。北虜侵擾。歷魏、晉、周。此地皆無縣邑。隋開皇七年。置榆林縣。地北近榆林。卽漢之榆溪塞。因名。屬雲州。二十年。改屬勝州。皇朝因之。

黃河西南自夏州朔方界流入。

又有大葭蘆水。縣西二百二十里。

小葭蘆水。縣西二百四十里。其間地甚良沃。

平河水首受黃河。隋文帝開之。以通屯倉。

金河泊在縣東北二十里。周迴十里。

雲中故城在縣東北四十里。趙雲中城。秦雲中郡也。史記曰。趙武靈王北破林胡。樓煩所置。秦因之。

隋榆林宮在州城內。煬帝二年置。因榆林郡爲名。其年煬帝北巡。陳兵塞表。以威北狄。因幸此宮。突厥啓人可汗獻馬及兵器新帳。因賦詩云。

榆林關在縣東三十里。東北臨河。秦卻匈奴之處。隋開皇三年。於此置城。置榆林關。

河濱縣。中本漢沙南縣地。屬雲中郡。訖於魏。晉此地不立縣邑。至後魏及周。復爲銀城縣地。隋時復爲榆

林縣地。貞觀三年。於此置河濱縣。東臨河岸。因以爲名。改雲州爲威州。立嘉名也。八年廢威州。以縣屬勝州。

黃河在縣東一十五步。闊一里。不通船楫。卽河濱關。渡河處名君子津。

河濱關在縣東北。貞觀七年置。

豐州。九原開元戶一千九百。下府元和戶一百五。

今置都防禦使。管天德軍。西受降城。中受降城。其都防禦使及天德軍使理在西城。今移理

舊天德軍城

禹貢雍州之域。秦上郡之北境。秦末沒胡。武帝元朔二年。使衛青逐去匈奴。開置朔方。領縣十。理三封。在今豐州西一百里。後漢因之。靈帝末。羌胡擾亂。城邑皆空。永嘉後。匈奴衛辰父子新居其地。辰子赫連勃勃。自稱大單于。統萬城。地屬勃勃。後魏太武帝擒滅赫連昌。置統萬鎮。孝文帝改置夏州。其地又爲夏州之北境。周武帝於今永豐縣置永豐鎮。隋文帝開皇三年。於鎮置豐州。後廢。貞觀四年。突厥降附。又權於此置豐州都督府。不領縣。唯領蕃戶。以史大奈爲都督。十一年。大奈死。復廢府。以地屬靈州。二十二年。又分置豐州。永徽九年。於州復重置永豐縣。四年。於郭下。又置九原縣。麟德元年。又置豐安縣。天寶元年。改爲九原郡。乾元元年。復爲豐州。

州境

八到。南至上都一千八百里。南至東都一千二百九十里。東至勝州五百三十里。西南至靈州九百里。

東南至夏州七百五十里。東南至西河城八十里。西北至野馬皮。

貢賦。開元貢。野馬皮。布。麻。

管縣二。九原。永豐。

九原縣

中下郭

本漢之廣牧舊地。中部都尉所理。其九原縣。永徽四年重置。其城。周隋間俗謂之甘草城。

永豐縣

中下州四

本漢臨戎舊地。後漢末廢。北人又謂之賀葛真城。周武帝保定三年。於此置永豐鎮。

隋開皇五年廢鎮。置永豐縣。武德六年省。永徽九年復置。

廢豐安縣在州東南四十里。開皇六年於縣置豐安鎮。麟德元年改爲豐安縣。天寶末廢。

天德軍

舊理在四受降城。權置軍馬於永清。權元和九年詔移理舊城。

本安北都護。貞觀二十一年於今西受降城東北四十里置燕然

都護。以瀚海等六都督。皋蘭等七州並隸焉。龍朔三年移於磧北回紇本部。仍改名瀚海都護。總章二年

又改名安北都護。尋移於甘州東北一千一十八里。隋故大同城鎮。垂拱元年置同城鎮。其都護權移理

刪丹縣西南九十九里。西安城。景龍二年又移理西受降城。開元十年又移理中受降城。天寶八年張齊

邱又於可敦城置橫塞軍。又自中受降城移理橫塞軍。十二年安思順奏廢橫塞軍。請於大同川西築城

置軍。元宗賜名曰大安軍。十四年築城功畢。移大安軍理焉。乾元後改爲天德軍。緣居人較少。遂西南移

三里。權居永清柵。其理所又移在西受降城。自後頻爲河水所侵。至元和八年春。黃河泛溢。城南面毀壞

轉多。防禦使周懷義上表請修築。約當錢二十一萬貫。中書侍郎平章事李吉甫密陳便宜。以西城費用

至廣。又難施功。請修天德舊城。以安軍鎮。其大略曰。伏以西城是開元十年張說所築。今河水來侵。已毀

其半。臣量其事勢。不堪重修。若別築新城。所費殊廣。計其人功糧食。及改屋宇。比及事畢。不下三十萬貫。

錢。此但計費。猶未知出入之處。城南面卽爲水所壞。其子城猶堅牢。量留一千人。足得住居。天德軍士。合抽居舊城。豈可更勞版築。虛棄錢物。若三城是國家盛制。仁恩舊規。亦須得天德添兵。然後有人修築。接天德舊城。在西城正東。微南一百八十里。其處見有兩城。今之永清柵卽隋氏大同舊城。理去本地約三里。已下城甚窄小。今隨事宜置。仍存天德軍額。北城周迴一十二里。高四丈。下闊一丈七尺。天寶十二載。安思順所置。其城居大同川中。當北戎大路。南接牟那山。鉗耳鬚山中。出好材木。若有營建。不日可成。牟那山南又是麥泊。其地良沃。遠近不如天寶中。安思順、郭子儀等本築此城。擬爲朔方根本。其意以中城、東城連振武爲左翼。又以西城、豐州連定遠爲右臂。南制黨項。北制匈奴。左右鈎帶。居中處要。誠長久之規也。尋屬祿山有事。子儀留老弱於此城。身率大衆。河北討賊。爲賊將宋星星所破。縱火焚燒。遂移天德軍。永清柵。別置理所於西城。只緣添兵未得。且因循併在一處。力所不足。實非遠圖。臣久訪略。已計料。約修此城。不過二萬貫錢。今若於天德舊城。隨事增飭。因有移換。仍取城隸於天德軍。別置使名。自爲雄鎮。是以聲勢可讐。殊鄰詔從之。於是復移天德軍理所於舊城焉。先是緣邊居人。常苦室韋、黨項之所侵掠。投竄山谷。不知所從。及新城施工之日。遂有三萬餘家。移止城內。初議者又慮城大。無人以實。及是遠近奔湊。邊軍益壯。人心遂安。

沃野故城在軍城北六十里。卽是後魏時六鎮從西第一鎮也。

州境東四
南北

八到西取甯遠鎮故落鹽池經夏州至上都一千八百里
西南取渡河至豐州一百六十里

西北至橫塞軍城二百里
西南至新宥州六百里

西至西受降城一百八十里
東南至中受降城二百里

東受降城本漢雲中郡地在榆林縣東北八里今屬振武節度

八到南至上都一千八百六十里
東南至東都取單于路一千八百二十里

東北至朔州四百里
東北至朔州四百里

西至中受降城三百里
北至磧口八百里

武川城今名里城後魏六鎮從西第三鎮在軍北三百里自北出石門障即光祿城右入匈奴大路

光祿城東北有懷朔古城其城即後魏六鎮從西第二鎮在今中城界向北化柵側近也

中受降城本秦九原郡地漢武帝元朔二年更名五原開元十年於此城置安北大都護府後又移徙事

具天德軍

敬本故城在中城北四十里鄭虔軍錄曰時人以張仁愿河外築三城自古未有今敬本城周一萬八千七百七十二步壕漸深峻亦古之堅守賈耽古今述曰以地理求之前代九原郡城也

八到。城南至上都一千八百六十里。

東南至東都取單于路二千一百二十里。

東至東受降城三百里。

西北至天德軍二百里。

南至麟州四百里。

北至磧口五百里。

西受降城。舊天德軍理於此城。元在豐州西北八十里。蓋漢朔方郡地。臨河縣故理處。開元初。爲河水所壞。至開元十年。總管張說於故城東別置新城。今城一本云。西南隅又爲河水所壞。本末具天德軍。

八到。城南至上都一千八百八十里。

東南至東都取單于路二千二百五十里。

正東。東南至天德軍一百八十里。

東南。波河至豐州八十里。

西南至定遠城七百里。

北至磧口三百里。磧口西至回鶻衙帳一千五百里。

右三受降城。景雲三年。張仁愿所置也。初突厥入寇。朔方軍總管沙吒忠義爲賊所敗。詔仁愿代之。先是朔方軍北與突厥以河爲界。河北岸有拂雲堆神祠。突厥將入寇。必先詣祠祭醑求福。因牧馬料兵。而後渡河。時突厥默啜盡衆西擊突騎施。婆葛仁愿奏請乘虛奪取漠南之地。於河北築三受降城。首尾相應。絕其南寇之路。太子少師唐休璟以爲兩漢以來。皆北守黃河。今於寇境築城。恐勞人費功。終爲賊所有。仁愿固請不已。中宗竟從之。仁愿表留年滿鎮兵。以助其功。峇成陽兵二百餘人逃歸。仁愿擒獲盡斬之。軍中股慄。六旬而三城俱就。以拂雲祠爲中城。與東西兩城相去各四百餘里。遙相應接。北拓三百餘里。

於牛頭車那山北置烽墩一千八百所。自是突厥不得度山放牧。朔方無復寇掠。減鎮兵數萬人。初三城不置壘門及卻敵戰具。或問曰。邊城禦賊之所。不爲守備。何也。仁愿曰。寇若至此。當併力出戰。迴顧望城。猶須斬之。何用守備。生其退惡之心。其後常元楷爲總管。始築壘門。議者劣之。

元和郡縣圖志卷四考證

關內道四

朔方節度。管兵六萬四千七百八人。馬二萬四千云云。靈州敘

官本分注前節下。不別列專條八字。二萬字舊志俱無。

統經略軍。靈武云云。

官本接上文。靈武以下分注。

豐安軍。靈武云云。

官本接上文。靈武以下分注。

定遠東城。靈武云云。

官本接上文。靈武以下分注。舊志無東字。宜衍。

西城。九原郡云云。

官本接上文。九原以下分注。舊志西城作西受降城。此省。

安北都護府。亦曰云云。

官本接上文亦曰以下分注。又按官本下有東城字。注云榆林郡東北二百里。景龍中韓公張仁愿置。管兵七千人。馬一千七百匹。西南去理所一千六百餘里。此脫舊志作東受降城。此省。

振武軍。單于云云。

官本接上東城注。單于以下分注。按以上各條。並宜依官本改正。以歸一例。太原府、廣州、鄴州、涼州、絳州、所統各軍。俱大書。分注概用接書。不得列爲專條。

天寶元年云云。

官本接上文。宜照改。

南北八十里。州城下

宜有脫誤。

西南至涼州。八到

宜作西北。

定遠城廢。管縣下

宜衍官本無。

西三十里。通樂縣絳

魏書刁雍傳西下有南字。

孝文太和七年。

官本作太平眞君七年與魏書合此誤。

諭漕運奉詔。

運下宜有曰。

嶧山在今原州云。

官本作牽屯無注疑脫。

二千萬斛。

千官本作十此誤。

合六十日至萬斛。

官本無此四句。

孝文帝善之。

宜作太武帝。

鐸落泉山長樂山條。

官本無泉字。南本同。落作洛。

吐谷渾。

官本脫谷字。

至州十八里。靈武縣下。

官本作八十八。

改爲大潤縣。靈武縣。

按隋志宜作廣閩。仁壽元年改大潤。此宜有脫誤。

北人呼駁爲賀蘭。保靜縣賀蘭山條。

戴震水地記引下有故名二字。此脫。

其山河東望雲山。

官本其山下有與字。南本同。疑後人妄增。按河自靈州以北。其東無大山。各地書河東亦無望雲山之目。王右丞集趙殿成注引作其山阿東望雲中。當是原文。各本多誤。

在州東北。懷遠縣。

上疑有故城字。

河池縣有池

官本作河地下同

廢靈武城在縣東北本

錢拈引此東北作西北

屬安定郡鳴沙縣

按地理志宜作屬北地郡

縣理東二百里

東宜作南

神龍五年溫池縣

唐志五作元樂史同

定遠縣廢在州東北二百里本

文義未析官本作定遠廢城在州東北二里脫百字南本作定遠廢城在州東二百里

募有健兵

官本作兵健

故為會甯防會州

官本脫甯

會甯郡

官本甯誤作靈

二千五百里八到

百宜作十官本作一千五百里南本同並誤

會甯縣

宜注郭下

東南去州會甯

宜作西南去州

東南至州烏蘭

宜作東北至州樂史云西南去州是

東南四里

樂史作西南

經漆之北。鹽州敘。

樂史作涇漆之北。與史記合。南本从之。此誤。

屬梁州。

官本按云。秦無梁州。一本改梁爲涼。亦非。據通典。鹽州。秦漢屬北地郡。今按御覽引亦作梁。當爲雍字之訛。地理志曰。漢興。改雍曰涼。賈誼亦稱秦爲雍州。

二百四十八里。州境下。

官本八作五。

一千五百里。八到

官本百作十。此誤。

四百五十里。

慶州八到云。五百七十二里。

鹽上四十顆。開元

官本鹽下缺。南本上作山。

五原縣。

宜注郭下。

南至州。白池縣下。

官本作東南。

宥州云云。本條。

宜衍官本無此條。南本削。按新宥州前有廢宥州。注云。在鹽州東北三百里。此云百四十里。語亦不合。自調露以下俱襲新宥州。蓋後人竄入也。

元和戶三百。夏州下。

官本作三千一百。南本同。此脫。

今爲夏州。

官本無州。

縣十二。

官本作三十。均誤。宜作十四。

屈子。大業元年。夏州

南本子下注一作屈丐。元年。宜作三年。見隋本紀。

南北七十里。州境下

宜有脫誤。樂史作七百五十里。

苜。霜齋。開元

南本作拒霜齋爲一物。

麻布。開元

官本作布。麻。南本作麻。布。此併爲一物。非。

本漢舊縣。朔方

按水經注及各地書。漢朔方郡縣。卽今鄂爾多斯後旗界。在唐宜屬豐州及勝州西境。自括地志以魏。

隋朔方郡縣實漢地。此志各縣皆未的。蓋沿其誤。謹按大清一統志表。唐夏州郡縣。今爲陝西榆林府。

地。漢時上郡龜茲。奢延各縣境。非朔方也。

有九堞樓。烏水

官本無樓。樂史作有九敵樓。

卽漢朔方縣之故城也。什真

水經注。河水又東南逕朔方縣故城東北。當在今河套內鄂爾多斯界。唐時本勝州地。

賀蘭山云云。宿朔縣本條

疑未的。賀蘭山在河西北岸。見靈州不及宿朔也。

三封故城。長澤縣條

水經注。河水又北過朔方臨戎縣西。河水東北逕三封縣故城東。宜在河套外長澤。今靖邊縣地。相距

為遙。

在縣北五百里。胡洛鹽池條

百樂史作十。

亦謂之獨樂池。聲相近也。漢有鹽官。

地理志。獨樂屬上郡。有鹽官。按獨樂在今米脂縣北。與胡落池恐非一地。

八千七百十五。綏州開元月

十五。官本作五十。

又改為上郡。綏州條

按隋志及通考。宜作上州。龍泉縣敘同。

州境云云。本條

官本缺。

東至石州二百七十里。入到

七、石州八到作三。

麻布。開元賦

官本作布。麻南本同。此誤合爲一。

雕陰山。龍泉縣疏屬山條

郝懿行山海經注引作彫。

曰危。

郝懿行引下復有危字。

爽窳帝。

郝懿行引作窳。並从穴。

至州一百里。城平縣下

一官本作二。此脫。

西河郡圍陰。銀州敘

官本西河字倒圖漢志作園王念孫曰古無園字故借園為之韋顧並以園為圖之誤非也後仿此保定二年

按周書本紀宜作三年

梁師都都於此

南本無下都字

為銀川郡

官本川作州南本从之誤樂史同

魏廢帝撫寧縣敘

南本上有後字

開元十六年廢寧州條

官本作二十六年是南本同

新宥州在夏州云云本條

官本州下注上字在夏州以下各為專條列入到於州敘後並有東南至東都二千一百里無北至天德軍條次列管縣一延恩云云視此較詳南本同

康大賓。

官本大作待。南本同。與兩志及通鑑合。

寶應已後。

官本已作以。通此志多用已。

因遂遂廢。由是昆夷屢來寇擾黨項。

因遂。官本作因。循是黨項倒在昆夷下。按會要。元和九年二月敕云。寶應已後。因循遂廢。由是昆夷屢擾黨項。廢依云云。官本疑誤。

靈武通路。

通官本作道。南本同。

仍爲上州。

官本仍作乃。

今爲云云。單于都護府下

宜列專條以歸一例。管州下亦宜列東受降城以副前目。

東受降城在朔州北三百五十里。都護府統

官本南本並脫。按舊書受降宜改都護。則在朔州云云。與八到合。東受降城有專條。列天德軍後。錢坫未能是正。補注地理志卽承此謬。

麟德二年。

官本作三年。玉海引此同。唐志作元年。

改置安化都護。

玉海引化作北。是。按舊志作總章中改安北大都護府。別有安化州都護府。或理慶州。或理朔州。與此無涉。

西南至成都。八到

成都。官本作東受降城。南本同。此誤。

夫寶四年。於城內置其振武軍。金河縣

於城內置官本南本並作置。初無其振武軍。

於今東受降城置。

官本南本下有振武軍字。

移於此。

官本下有城內置縣曰義長南本同。

理縣城中。麟州連谷縣連谷鎮條。

官本縣理倒南本同。

大業五年。勝州錢。

按隋書五宜作三。

北至豐州七百里。八到

豐州作東至勝州五百三十里。按方輿宜作西北。彼宜作東南。里數未知孰的。

麻。粟。開元

官本無。

麻布。賦。

官本作布。麻南本作麻。布此誤合爲一。

又有大葭蘆水。榆林縣本條。

又有宜衍官本南本無。

煬帝二年。隋榆林宮條。

官本作三年。此誤。南本作大業二年。
河濱縣。

宜注至州方里。按縣志。河濱關後官本有東受降城。武川城。光祿城各條。此本並列天德軍後。俱非。詳釋志文。東受降城條宜列此。餘二條仍列天德軍後為是。

今置云云。豐州下。

南本頂格寫。管下另為一行。作州一軍一城二。豐州。天德軍。西受降城。中受降城。後有縣二

一行。於例為詳。

一千二百九十里。豐州八到下。

官本作二千一百九十。此誤。

中部都尉。九原縣敘。

中官本作東。與漢志。水經注合。此恐誤。

永徽九年。永豐縣敘。

南本九作元。

置同城鎮。大同川。天德軍敘。

南本同城作大同城川官本作州誤。

毀壞轉多。

多官本作都連下讀恐誤。

今之永清柵。

今之官本作本是。

去本地今隨事宜置一十二里。

南本地作城宜置作制宜里官本作丈恐誤。

鉗耳至牟那山。

官本無疑脫。

遠近不如。

如官本作殊南本同。

沃野故城云云本據

宜列八到後武川城光祿城之前官本連敘下非見通鑑地理通釋詳後。

從軍。

官本軍作西是。

故落鹽池。

八到下

故疑胡長澤縣有胡落鹽池。

東受降城云云。

本條

宜次河賓縣後詳前。

一千八百六十里。

八到下

官本十下有八字。

東北至朔州。

宜作東南。

武川城。

本條

光祿城。

本條

此二條文義未析語多凌躐。通鑑地理通釋引此作沃野故城在軍北六十里。卽後魏六鎮從西第一鎮也。自北出石門障。卽光祿城。城東北有懷朔古城。卽後魏六鎮從西第二鎮也。武川城今名里城。後魏六鎮從西第三鎮。在軍北二百里云云。似近原文。傳鈔錯亂。宜改正。

本秦九原郡。

中受降城條

秦官本作漢誤。

敬本故城云云。本條

宜依官本列八到後。南本已改。

一本云其後城。四受降城敘注

此後人校語不知何時混入注文。

一千五百里。西受降城八到下

官本作一千單五里。

景雲三年。右三受降城條

三、宜作二。

牟那山。

唐書通鑑並誤作朝那山。後人或卽指爲安定之朝那。失之遠矣。

一千八百所。

通考無一千作百八十所。

元和郡縣圖志卷第五

河南道一

河南府開元戶一十二萬七千四百四十。元和戶一萬八千七百九十九。鄉二百八十。

禹貢豫州之域。在天地之中。故三代皆爲都邑。陽翟。夏城。禹都也。偃師。西亳。湯都也。周成王定鼎於郊。鄩使召公先相宅。乃卜澗水東。灋水西。是爲東都。今苑內故王城是也。又卜灋水東。召公往營之。是爲成周。今河南府東故洛城是也。至赧王獻地於秦。莊襄。莊襄王立爲三川郡。三川。伊。洛也。漢改爲河南郡。後漢光武建武元年。入洛陽。遂定都焉。及董卓逼遷獻帝。西都長安。盡燒洛陽宮廟。後又都焉。魏文帝受禪。亦都洛陽。陳留王以司隸校尉所掌置司州。領河南。河東。河內。宏農。平陽五郡。晉武受禪。司州不改。永嘉初。劉曜叛亂。司州沒胡。後又沒於石勒。東晉穆帝永和元年。桓溫入洛陽。置河南郡。宋武北平關洛。復置司州。後魏孝文太和十九年。六宮文武。盡遷洛陽。改爲河南尹。至周宣帝。移相州六府於洛州。以爲東京。隋文帝改六府爲六尚書省。又置河南道行臺省。仁壽四年。煬帝詔楊素營東京。大業元年。新都成。遂徙居。今洛陽宮是也。其宮北據邙山。南直伊闕之口。洛水貫都。有河漢之象。東去故城一十八里。初煬帝常登邙山。觀伊闕。顧曰。此非龍門耶。自古何因不建都於此。僕射蘇威對曰。自古非不知。以俟陛下。帝大悅。遂議都

焉。其宮室臺殿皆宇文愷所創也。愷巧思絕倫。因此製造頗窮奢麗。前代都邑莫之比焉。又改洛州為豫州。置牧三年。罷州為河南郡。置尹。四年改東京為東都。十四年復置洛州。隋亂王世充僭號稱鄭。改為司州。武德四年討平充。復為洛州。仍置總管府。其冬罷府置陝東道大行臺。太宗為大行臺尚書令。九年罷臺。置洛州都督府。貞觀十八年廢府。顯慶二年置東都。則天改為神都。神龍元年復為東都。開元元年改洛州為河南府。天寶元年改東都為東京。至德元年復為東都。

府境東四百二十一里

八到西至上都八百五十里

東至鄭州二百八十里
西北至德州一百五十里
東北至陝州三百五十里

東南至汝州一百七十里
東南取博陵路至陽翟縣二百四十里
從縣至許州九十里

貢賦開元賦
絹白綾

管縣二十六 洛陽 河南 偃師 緱氏 鞏縣 伊闕 密縣 王屋 長水 伊陽 河陰

陽翟 潁陽 告城 登封 福昌 壽安 澠池 永甯 新安 陸渾 河陽 温縣 濟

源 河清 汜水河陽等五縣今權

洛陽縣赤 本秦舊縣。歷代相因。貞觀六年自金墉城移入郭內。毓德坊。今理是也。神龍初改為永昌。尋復

舊號。

故洛陽城在縣東二十里。按華延備洛陽記云。洛陽城東西七里。南北九里。洛陽城內宮殿臺觀府藏寺舍。凡有一萬一千二百一十九間。自劉曜入洛。元帝渡江。官署里閭鞠爲茂草。後魏孝文太和十七年。幸洛陽。巡故宮。遂詠黍離之詩。爲之流涕。觀石經。仍定遷都。而經始洛京。十九年九月。新都始立。於是六宮文武盡遷洛陽。

洛水在縣西南三里。西自苑內上陽之南。彌漫東流。宇文愷築斜隄。束令東北流。當水衝。捺堰九折。形如偃月。謂之月坡。今雖漸壞。尙有存者。

河南縣赤。本漢舊縣。後魏靜帝改爲宜遷縣。周宣帝復爲河南。隋仁壽四年。遷都。移縣於東都城內。寬政坊。卽今縣是也。永昌元年。以明堂初成。改爲合宮縣。神龍初。復舊。二年。復爲合宮。景雲初。復舊。洛水在縣北四里。

伊水在縣東南十八里。

灋水在縣西北六十里。禹貢曰。伊洛灋澗。旣入於河。孔安國注曰。出河南北山。水經云。源出河南穀城縣北。今驗水西從新安縣東入縣界。

天津橋在縣北四里。隋煬帝大業元年。初造此橋。以架洛水。用大纜維舟。皆以鐵鎖鉤連之。南北夾路。對

起四樓其樓爲日月表勝之象然洛水溢浮橋輒壞貞觀十四年更令石工累方石爲腳爾雅斗牛之間爲天漢之津故取名焉

中橋咸亨三年造累石爲腳如天津橋之制

通津渠在縣南三里隋大業元年分洛水西北名千步磧渠東北流入洛水謂之洛口

偃師縣畿四南至府七十里本漢舊縣帝嚳及湯盤庚並都之商有二亳成湯居西亳卽此是也至盤庚又自河

北徙理於亳商家從此而改號曰殷武王伐紂於此築城息偃戎師因以名焉天寶七年四月河南尹韋濟奏於偃師縣東山下開驛路通孝義橋廢北坡義堂路焉

北邙山在縣北二里西自洛陽縣界東入鞏縣界舊說云北邙山是隴山之尾乃衆山總名連嶺脩互四百餘里

首陽山在縣西北二十五里

盟津在縣西北三十一里

緱氏縣次赤西北至府六十三里本古滑國也左傳曰秦師滅滑其後屬晉至秦漢爲縣因山爲名大業十年移據

公路澗西憑岸爲城卽今縣是也

緱氏山在縣東南二十九里王子晉得仙處

轅轅山在縣東南四十六里。左傳：欒盈過周，王使候出諸轅轅。注曰：緱氏縣東南有轅轅關，道路險隘，凡十二曲，將去復還，故曰轅轅。後漢河南尹何進所置八關，此其一也。

鄂嶺坂在縣東南三十七里。晉八王故事曰：范陽王保於鄂坂，後於其上置關。

洛水西自洛陽縣界流入。

曹城在縣東一里。曹操與袁術相拒，築城於此。

袁術固一名袁公塢，在縣西南十五里。宋武北征記曰：少室山西有袁術固，可容十萬衆，一夫守隘，萬夫莫當。

公路壘在縣南三里。袁術與曹公相拒處。

鉤鑠故壘在縣東北七里。宋書：司馬休之從宋公西征，營於柏谷塢西，卽此壘，相連如鎖，因以爲名也。

鞏縣魏西至府鞏縣一百四十里古鞏伯之國也。春秋：晉師克鞏，戰國時韓獻於秦。至漢以爲縣，屬河南郡。大業十三年，

李密自潁川率羣盜十餘萬，襲破洛口倉，因據鞏縣，仍築城斷洛川，包南北山，周迴三十餘里，屯營其中。後爲王世充所破，縣本與成皋中分洛水，西則鞏，東則成皋，後魏併焉。按爾雅：鞏，固也。四面有山河之固，因以爲名。

天陵山在縣東南六十里。

黃河西自偃師縣界流入河。於此有五社渡爲五社津。後漢朱鮪遣賈強從五社津渡。是也。

洛水東經洛汭。北對郎邪渚。入河。謂之洛口。亦名什谷。張儀說秦王。下兵三川。塞什谷之口。卽此也。

伊闕縣。畿北至古戎蠻子國。漢爲新城縣。屬河南郡。周武帝時。屬伊川郡。開皇十八年。罷郡。改爲伊闕縣。

伊闕山在縣北四十五里。兩山相對。望之若闕。伊水流其間。故名。

陸渾山俗名方山。在縣西五十五里。

伊水西自陸渾縣界流入。左傳。秦晉遷陸渾之戎於伊川。

伊闕故關在縣北四十五里。何進八關之一。

密縣。畿西南至府本漢舊縣。古密國也。春秋。諸侯伐鄭。圍新密。漢屬河南郡。隋大業二年。廢。十二年。又

置。武德三年。於此置密州。四年。廢州。以縣屬鄭州。龍朔二年。割屬河南府。爾雅曰。山如堂者曰密。因以爲名。

大隗山在縣東南五十里。本具茨山。黃帝見大隗於具茨之山。故亦謂之大隗山。灋水。源出於此。

馬嶺山在縣南十五里。洧水所出。

王屋縣。畿東南至本周時。召康公之采邑。漢爲垣縣地。後魏獻文帝分垣縣置長平縣。周明帝改爲王

屋縣因山爲名。仍於縣置王屋郡。天和元年。又爲西懷州。開皇三年。改爲邵州。大業三年。廢邵州。以縣屬懷州。顯慶二年。割屬河南府。

齊子嶺在縣東十二里。卽宇文周與高齊分據境之處也。

黃河在縣南五十里。

王屋山在縣北十五里。周迴一百三十里。高三十里。禹貢底柱。析城。至於王屋。是也。

析城山在縣西北六十里。峯四面。其形如城。有南門焉。故曰析城。

長水縣。二百三十里。東至府。本漢盧氏縣地。後漢晉宋不改。後魏宣武帝分盧氏東境置南陝縣。屬宏農郡。西魏

廢帝改爲長淵。義甯元年。以犯高祖廟諱。改爲長水。貞觀八年。自虢州割屬穀州。顯慶二年。屬河南府。州

今新安縣所理是也。

伊陽縣。二百六十里。北至府。本陸渾縣南界之地。先天元年。割置伊陽縣。

伊水路在縣西南。出鸞掌山東流。水經云。出南陽魯陽縣蔓渠山。東北過陸渾縣南。又東北過伊關中。又

東北入於洛。多雨暴漲。諸峽束水之處。其高或七八丈。故伊關石壁有石銘云。黃初四年六月二十四日

辛巳。大水出高四丈五尺。

銀鐫窟在縣南五里。今每歲稅銀一千兩。

河陰縣畿西南至府二百三十里。本漢滎陽縣地。開元二十二年。以地當汴河口。分汜水、滎澤、武陟三縣地於輸場。東置。以便運漕。即侍中裴耀卿所立。初耀卿爲宣州刺史。開元十八年。因朝集。上便宜曰。竊見江、淮諸州。所送租庸等。本州正月二月上道。至揚州。入斗門。即逢水淺。停留一月已上。四月已後。始渡淮入汴。多屬乾淺。又船運停留。至六月七月。方至河口。即遇黃河漲溢。不得入河。又須停一兩月。待河水較小。始得上河入洛。即又漕洛乾淺。船艘不通。計從江南至東都。停滯日多。得行日少。艱辛欠折。因此而生。伏見國家舊法。河口元置武牢倉。江南船不入黃河。即於倉內便貯也。鞏縣置洛口倉。從黃河不入漕洛。即於倉內安置。爰及河陽倉、柏崖倉、太原倉、永豐倉、渭南倉。節級取便。例皆如此。水通利則隨近運轉。不通利即且納在倉。不滯遠船。不生隱盜。每年贖得一二百萬石。即數年之外。倉廩轉加。至二十二年。以耀卿爲相。兼轉運都使。於是遂分置河陰縣及河陰倉。又河清縣置柏崖倉。三門東置集津倉。三門西置鹽倉。三門北鑿山十八里。陸行以避湍險。自江、淮來者。悉納河陰倉。自河陰候水調浮漕。送含嘉倉。又取曉習河水者。遞送太原倉。所謂北運也。自太原倉浮渭。以實關中。凡三年。運七百萬石。省腳三十萬貫。及耀卿罷相。後緣北路險澀。頗爲隱欺。議者言其不便。事又停。

汴渠在縣南二百五十步。亦名葭蕩渠。禹塞滎澤。開渠以通淮。泗。後漢初。河汴決壞。明帝永平中。命王景脩渠築隄。十里立一水門。令更相注洄。無復潰漏之患。自宋武北征之後。復皆堙塞。煬帝大業元年。更令

開導名通濟渠。自洛陽西苑引穀洛水達於河。自板渚引河入汴口。又從大梁之東引汴水入於泗。達於淮。自江都宮入於海。亦謂之御河。河畔築御道。樹之以柳。煬帝巡幸。乘龍舟而往江都。自揚益。湘南至交廣。閩中等州。公家運漕。私行商旅。舳舻相繼。隋氏作之雖勞。後代實受其利焉。

汴口堰在縣西二十里。又名梁公堰。隋文開皇七年。使梁睿增築漢古堰。遏河入汴也。

三皇山亦曰敖高山。上有三城。卽劉項相持處。春秋左氏傳曰。晉師在敖鄆之間。亦此也。

陽翟縣。魏二百四十里。西北至府。本夏禹所都。春秋時。鄭之櫟邑。韓自宜陽移都於此。秦爲潁川郡。楚漢之際。韓公

子成爲韓王。項羽殺成。立鄭昌。漢元年。又誅昌。立橫野君信。六年。徙信太原郡。復置潁川郡。領縣二十。理

陽翟。潁川屬縣。後魏復置陽翟郡。開皇十六年。廢郡。置嵩州。以縣屬焉。大業三年。隸雍城郡。武德中。又隸嵩州。

貞觀元年。廢入許州。建都後。改屬河南府。

鈞臺在縣南十五里。左氏傳曰。夏啓有鈞臺之饗也。

潁陽縣。魏潁陽府。西至九十里。古綸氏縣。本夏之綸國也。少康之邑在焉。漢屬潁川。晉省。後魏太和中。於綸氏縣城置

潁陽縣。屬河南尹。又分潁陽置瑤陽縣。開皇六年。改瑤陽爲武林。十八年。又改爲綸氏。大業元年。改爲嵩

陽。載初元年。又改爲武林。開元十五年。復爲潁陽。

大石山一名萬安山。在縣西北四十五里。

倚箔山望之如立箔。山西北崖下有鐘乳。隋時充貢。

陽乾山在縣東二十五里。潁水一源出陽乾山。

太谷口在縣西北二十五里。孫堅停兵太谷。距洛陽九十里。卽此谷。

太谷故關在縣西北四十五里。何進入關之一也。

告成縣。畿北至府一百七十里。本漢陽城縣。屬潁川郡。因陽城山爲名。後魏置陽城郡。屬司州。開皇三年廢郡。以

縣屬洛州。十六年於此置嵩州。仁壽四年省嵩州。以縣屬河南郡。萬歲登封元年。則天因封中岳。改名告成。

許由山在縣南十三里。

嵩高山在縣西北二十三里。

少室山在縣西北五十里。

陽城山在縣東北三十八里。

鬼谷在縣北五里。卽六國時鬼谷先生所居也。

測景臺在縣城內西北隅。高一丈。開元十年。詔太史監南宮說立石表焉。

登封縣。畿北至府一百三十五里。本漢嵩高縣。武帝元封元年置。以奉太室。後省入陽城。累代因之。高宗將有事於

中岳分陽城。緱氏置嵩城縣。萬歲登封元年。則天因封岳。改爲登封。

嵩高山在縣北八里。亦名外方山。又云東曰太室。西曰少室。嵩高總名。卽中岳也。山高二十里。周迴一百三十里。

少室山在縣西十里。高十六里。周迴三十里。潁水。源出焉。潁水有三源。右水出陽乾山之潁谷。中水道源少室。左水出少室南溪。東合潁水。

啟母祠在縣東北七里。漢書武帝祀中嶽。見夏啟母石是也。應劭云。啟生而母化爲石。淮南子亦同。嵩山記。陽翟婦人。今龕中鑿石像其石。漢安帝延光三年立。

福昌縣。畿東至府一百五十里。古宜陽地。春秋時屬晉。七國郡屬韓。漢以爲縣。屬宏農郡。後漢建武三年。馮異破赤眉於崤底。餘衆走向宜陽。帝自征之。赤眉君臣面縛。卽此地也。義甯二年。於此置宜陽郡。武德元年。改爲熊州。改宜陽縣爲福昌縣。取縣西隋宮爲名。顯慶二年。廢穀州。以縣屬河南府。今縣城卽魏一金塢。城東南北三面。天險峭絕。後周置重兵於此。以備高齊。

女兒山在縣西南三十四里。

壽安縣。畿東北至府七十六里。本漢宜陽縣地。後魏分新安置甘棠縣。隋開皇三年。以縣屬熊州。十六年。改爲穀州。

仁壽四年。改名壽安縣。貞觀七年。改屬河南府。

石墨山在縣西南三里。山石如墨。可以書字。

洛水西自福昌縣界流入

少水今名慈澗水出縣北

八關故城在縣東北三十里。後漢靈帝中平元年。以河南尹何進為大將軍。將五營士屯都亭。置函谷、廣城、伊闕、太谷、轘轅、旋門、小平津、孟津等八關。都尉官理於此。

永濟橋在縣西十七里。煬帝大業三年置。架洛水。隋亂毀廢。貞觀八年脩。造舟為梁。長四十丈三尺。廣二丈六尺。

澠池縣。魏東至府一百五十里。本韓地。哀侯東徙。其地入秦。漢以為縣。屬宏農郡。隋文帝時屬熊州。熊州今河南府福昌縣是也。

十六年改屬穀州。顯慶二年廢穀州。縣屬河南府。

廣陽山亦名澠池山。在縣東北五十五里。

穀水南去縣二百步。東經秦趙二城。俗謂之俱利城。東城在縣西十三里。西城在縣西四十里。昔秦趙會於澠池之處。

大塢故城在縣北十五里。後魏武帝入關。使行臺楊騰出關安撫。騰因舊城置大塢鎮。

永甯縣。魏東至府二百里。漢澠池縣之西境。後魏晉宋不改。後魏文帝於今縣東四十五里置北宜陽縣。屬宜陽

郡。廢帝二年改為熊耳縣。義甯二年置永甯縣。屬宜陽郡。貞觀元年改屬河南府。

二嶠山又名嶽峯山。在縣北二十八里。春秋時。秦將襲鄭。蹇叔哭送其子曰。晉人禦師必於嶠。嶠有二陵。其南陵。夏后皋之墓。北陵。文王之所避風雨。必死是間。漢建安中。曹公西討巴漢。惡其險。更開北山道路。多從之便。路側有石銘曰。晉太康三年。宏農太守梁柳修復舊道。西征記。嶠上不得鳴鼓角。鳴則風雨總至。自東嶠至西嶠三十五里。東嶠長坡數里。峻阜絕澗。車不得方軌。西嶠全是石坂十二里。險絕不異東嶠。漢馮異破赤眉於嶠底。魏龐德破張白騎於兩嶠間。

熊耳山在縣東北四十五里。後漢世祖破赤眉。積甲宜陽縣城西。與此山齊。按禹貢。導洛自熊耳。在商州上洛縣界。與此別也。

穀陽山在縣西北五十五里。漢書地理志。穀水出穀陽山。回谿。俗名迴阮。在縣東北三十六里。馮異與赤眉戰。敗於此。璽書勞曰。始垂翅於迴谿。終奮翼於澗池。可謂失之東隅。收之桑榆。

新安縣。

魏。東至府。七十里。

本漢舊縣。屬宏農郡。晉改屬河南郡。後魏屬新安郡。周武帝保定三年。省新安郡。又於

今縣理置中州。建德六年。省中州。又置新安郡。隋開皇六年。改置穀州。貞觀元年。省穀州。新安屬河南府。穀水在縣南二里。國語曰。穀。洛關。壞王宮。是也。縣城本名通洛城。周武帝將東討。令陝州總管尉遲綱築此城以臨齊境。

白超故城一名白超壘。一名白超塢。在縣西北十五里。壘當大道。左右有山道從中出。漢末。黃巾賊起。白

超築此壘以自固。東魏脩築爲城。因名白超城。

函谷故關在縣東一里。漢武帝元鼎三年。爲楊僕徙關於新安。按秦函谷關在今陝州靈寶縣西南十二里。以其道險隘。其形如函。故曰函谷。項羽阮秦降卒於新安。卽此地。今縣城之東有南北塞垣。楊僕所築。慈澗故鎮在縣東南二十里。周武帝保定六年置。武德三年討世充。前軍鎮此。太宗以輕騎擊破之。充拔鎮歸於東都。

陸渾縣。畿東北至府一百三十里。本陸渾戎所居。春秋時秦晉遷陸渾之戎於伊川。至漢爲陸渾縣。屬宏農郡。後屬

河南尹。後魏改爲伏流縣。大業元年省伏流縣。移陸渾於今理。

三塗山在縣西南五十里。左傳曰。四嶽三塗。陽城。大室。九州之險。

明臯山在縣東北十五里。

伏水在縣西南。自虢州盧氏縣界流入。

伏流城卽今縣理城。東魏孝靜帝武定二年所築。以城北焦澗水伏流地下。西有伏流坂。因以爲名。

河陽縣。畿西南至府八十里。自河陽以下至河清等五縣。今權隸三城節度。本周司寇蘇忿生之邑。後爲晉邑。在

漢爲河陽縣。屬河內。高齊省入溫。軹二縣。開皇十六年分溫。軹二縣重置。屬懷州。武德四年平王世充後

割屬河南府。

南城在縣西。四面臨河。卽孟津之地。亦謂之富平津。後魏使高永樂守河南。以備西魏。卽此也。周隋爲宮。貞觀置鎮也。

中潭城。東魏孝靜帝元象元年築之。仍置河陽關。天寶已前。亦於其上置關。縣西南十三里。古遮馬隄。卽後魏爾朱榮殺朝士千三百餘人於此。謹按。至德中。史思明之來寇也。時李光弼已至東都。聞思明將至。乃移牒留守及河南尹并留司官坊市居人。令悉出避寇。空其城。乃率麾下士馬數萬。東守河陽。三城拒逆賊。賊黨初謂光弼自洛而西。及聞保河陽。出其意外。疑懼久之。不敢犯宮闕。光弼訓練招集。威聲大振。賊雖入城。憚光弼兵威。南不出百里。西不越畿內。陝州得脩戎備。關隘無虞。皆光弼保河陽之力。故自乾元已後。常置重兵。貞元後。加置節度。爲都城之巨防。造浮橋。架黃河爲之。以船爲腳。竹籬互之。晉陽秋云。杜元凱造河橋於富平津。卽此是也。船籬出洪州。

溫縣。畿。西南至府。一百三十里。本周畿內司寇蘇公之邑。春秋。周襄王賜晉文公。漢以爲縣。屬河內郡。大業十三年。

自故溫移於今所。皇朝建都。割屬河南府。

濟源縣。畿。南至府。一百二十里。古軹邑。屬魏。秦昭王時。伐魏。取軹。漢文帝時。封薄昭爲軹侯。屬河內郡。開皇十六年。

分軹縣置濟源縣。屬懷州。以濟水所出。因名。顯慶二年。割屬河南府。

濟水在縣西北三里。平地而出。有二源。其東源。周迴七百步。深不測。西源。周迴六百八十五步。深一丈。皆

縵之以周鵠源出王屋山山海經云王屋之山灑水出焉郭璞注云灑沈水之源尙書禹貢云導沈水東流爲濟入於河溢爲滎孔安國注云濟水入河並流十數里而南截河又並流數里溢爲滎澤漢書禹貢導沈水東流爲洙入於河軼爲滎東出於陶丘北又東至於荷又東北會於汶又北東入於海顏師古云導沈水流而爲濟截河南爲滎澤陶丘今在曹州定陶西南荷卽荷澤過荷澤又與汶水會北折而東入於海也按沈水出今王屋縣王屋山東流至濟源縣而名濟水滎澤在今鄭州滎澤縣定陶今曹州濟陰縣也荷澤在今兗州魚台縣汶水出今兗州萊蕪縣然濟水因王莽末旱渠涸不復截河南過今東平濟南淄川北海界中有水流入於海謂之清河實荷澤汶水合流亦曰濟河蓋因舊名非本濟水也而水經是和帝已後所撰乃言濟水南過滎澤至於乘氏等縣一依禹貢舊道斯不詳之甚也酈道元又從而注之尤爲紕繆矣

百尺溝在縣東北六里引濟水溉灌仁壽三年置初分功人穿十丈故名百尺溝

河清縣魏南至本漢軹縣地縣西有柏崖故城卽東魏將侯景所築武德初於城東置大基縣八年省

咸亨四年重置先天元年以犯玄宗廟諱改名河清

汜水縣魏西南至府古東虢國鄭之制邑漢之成臯縣一名虎牢穆天子傳曰天子獵於鄭國有獸在

葭中七萃之士擒之以獻天子命蓄之東虞因曰虎牢楚漢之際項羽使海春侯曹咎守之漢王破之咎

自殺。至宋武帝北平關洛置司州刺史。理虎牢。魏使奚斤攻宋司州刺史毛德祖。經二十日不克。城中傷者无血。知其乏水。潛作地道。其穴猶存。開皇十八年。改成皋爲汜水縣。大業十三年。陷於王世充。武德四年。討平充。復於縣理置鄭州。貞觀七年。移鄭州於管城。以縣屬焉。明慶二年。改屬河南府。垂拱四年。改名廣武縣。神龍元年。復爲汜水關。開元二十九年。自虎牢城移於今理。

黃河自鞏縣界流入。

汜水出縣東南三十二里。浮戲山。經武牢城東。漢破曹咎於此。

成皋故關在縣東南二里。

旋門關在縣西南十里。

汴口去縣五十里。今屬河陰。

板渚在縣東北三十五里。初竇建德衆數十萬。自於板渚結陣。南屬鵠山。以臨汜水。太宗帥輕騎擊之。賊衆大潰。建德竄於牛渚。將軍白士讓生獲之。先是童謠云。豆入牛口。勢不得久。果敗於此。牛口渚與板渚迤邐相接。

等慈寺在縣東七里。王師旣破建德。有詔於戰所起寺。立碑紀功焉。令顏師古爲其碑文。

元和郡縣圖志卷五考證

河南道一

河南府。

官本注洛州東都，此脫。

獻地於秦莊襄王。府錢。

莊宜作昭。按史記赦王獻地在昭襄時。

永和元年。

按晉志元宜作五。南本已改。

大業元年。

南本元作二。

王世充。

唐人避世字。宜衍。此傳鈔誤增。以下仿此。懷州敘云。四年。平王充。猶見原文。

八百五十里。八到

京兆府云八百三十五與此別

東南取崕嶺路

官本作西南是

開元貢

官本有綾 絹南本有綾字並宜衍六典無

河陽等云云領縣下汜水注

官本無宜衍正文河陽縣下已詳

洛陽縣

南本下注郭下河南縣同此並脫

一十九間縣敘

官本間作門樂史同地理通釋引亦作門南本从之此疑誤

伊水云云河南縣本條

官本接洛水條非

斗牛之間天津橋條

爾雅本作箕斗之間南本已改。

咸亨中橋條

官本作咸通誤咸通懿宗紀年在元和後。

謂之洛口通津渠條

官本無口字按云此下有缺文。

章濟僱師縣敘

會要作齊濟按舊書章濟尹河南事見思謙傳非齊濟也濟卒在天寶五年。

本古滑國也緱氏縣敘

本下官本有漢舊縣三字按下文漢宜作秦此脫。

二十九里緱氏山條

樂史無九字

縣東一里曹城條

樂史一作十

賈強黃河條

強水經注作彊

北對郎邪渚洛水條

郎官本作瑯地理通釋作琅水經注同南本从之此俗字脫玉

伊水伊闕縣本條

官本作伊川未有是也文義為長

西南至府密縣下

南宜作北洪亮吉李兆洛並云即今縣治在河南府東南二百餘里

瀨水密縣大隗山條

水經注作瀨此志長社縣亦作瀨說文二字並存實一水也

天和元年王屋縣敘

樂史元作六

二百六十里伊陽縣下

二宜作一伊陽即今嵩縣治

蔓渠山伊水條

官本渠作蕩非。

大水出。

水出水經注作出水。下有舉字。

船運。河陰縣統

舊書作般運。

漕洛。

舊書洛作路。

河清縣。

舊書新書並作河西縣誤。

汴渠。本條

汴水經注作汭。說文云。本作汭。

蕩蕩渠。

南本作蕩蕩。水經注作蕩蕩。一作蕩蕩。地理志作狼湯。蓋通用。

河汴決壞。

南本作汴河。此疑倒。

自宜陽。陽翟縣敘

地理志宜作平。此本呂覽注。與地理志別。按韓之徙都。衆說紛淆。詳戰國策釋地。不悉錄。

貞觀元年。

會要元作二。

鈞臺之饗。鈞臺條

今左傳饗作享。此本水經注。

瑤陽縣。潁陽縣敘

地形志瑤作堙。隋志同。南本已改。

許由山在縣南。告成縣本條

官本南作西。近是。

二十三里。嵩高山條

陳闕森補寰宇記引二作三。南本已改。

五十里。少室山條

陳蘭森引作五里誤。

道源少室。登封縣少室山注。

官本道作導。南本同。下有通阜二字。

改爲熊州。顯慶二年。福昌縣敘。

官本熊作穀。非。劉昫云。武德元年。改宜陽郡爲熊州。新安爲穀州。仍改宜陽縣爲福昌縣。與此合。顯慶上。南本有貞觀元年。州廢。以縣隸穀州十一字。

一金塢。

金。官本作全。並誤。水經注。洛水又東。經一合塢。南城在川北原上。高三十丈。南北東三箱。天險峭絕。惟築西面。卽爲固。一合之名。起於是矣。王應麟引通典作一金塢。蓋自宋已誤。南本改合。

東城。瀾池縣穀水條。

官本東城。西城各爲專條。殊失文義。

漢瀾池縣。永甯縣敘。

瀾。地理志作暉。

後魏晉宋。

官本魏作漢南本从之此疑誤。

二嶠山本條

二王應麟引作三自注云隋大業元年廢三嶠道水經注云又東逕土嶠北所謂三嶠也此疑脫。

開皇六年新安縣敘

官本六作十六南本从之。

討世充慈闕條

世宜作王官本作王世充南本从之非。

明皋山陸渾縣本條

李太白集王琦注引作鳴皋山河南志同。

自河陽至河陽縣敘節度

官本南本別爲一行低二格按下文本周司寇云云語不相屬宜依官本改正。

深不測濟源縣濟水條

洪亮吉戴震並引作其深莫測。

又東至於荷導沈水截河南今在曹州。

於荷宜作于荷。官本無導字。南作又。南本从之。曹州南本作濟陰。

本漢軹縣地。河清縣統

軹宜作平陰。按河清卽今孟津縣。顧祖禹曰。縣東一里有平陰故城。軹在河北。濟源縣恐不及此。咸亨四年。

會要作五年誤。

虎牢。汜水縣統

原當作武牢。此後人妄改。餘仿此。

獵於鄭國。

國官本作圃。是。

有獸在葭中。

獸。穆天子傳本作虎。唐諱。

經二十日。

水經注作二百日。通鑑同。此誤。

移鄭州於管城。

官本管作營恐誤。

明慶 汜水關。

官本作顯慶非原避中宗諱作明此原文之未盡改者官本無關字南本削。

西南十里旋門關條

官本下有卽八關之一此脫南本增。

建德竄於牛渚板渚條

官本牛下有口此脫南本增。

